

34

34

HARVARD COLLEGE LIBRARY
FROM THE
HARVARD-YENCHING
INSTITUTE
FEB 7 1950

6.05
T Ch L 5235.4462 b

文苑英華卷第三百二十一

詩一百七十二

花木一

牡丹二十七首

桃花十五首

杏花八首

紫薇花三首

牡丹

李益

紫藥藜開未到家却教遊客賞繁華始知年少求名處滿
眼空中別有花

題所賃宅牡丹

王建

賃宅得花饒初開恐是妖霞集作粉光深紫膩肉色遠紅嬌

且願風留著唯愁日多焦懌作銷可憐零落藥收取作香燒

賞牡丹

前人

哈佛大學哈佛燕京圖書館珍藏印

此花名價別開艷益皇都香逼菱菱疑死紅燒躑躅枯軟
光籠細脉妖色暖鮮膚滿蓋攢黃粉含稜縷絡蘇好和薰
御服堪畫入宮圖晚態愁新婦殘粧望病夫教人知箇數
留客賞斯須一夜輕風起千金買亦無

戲題牡丹

韓愈

幸自同開俱隱約何須相倚闥輕盈陵晨併作新粧面對
客偏含不語情雙燕無機來拂畧集作還遊蜂多思正經
營長年是事皆拋盡集作棄今日欄邊暫眼明

唐卽中宅與諸公同飲酒看牡丹 劉禹錫

今日花前飲甘心醉數盃但愁花有語不爲老人開

以下三篇並見集本

渾侍中牡丹

前人

徑尺半餘朵人間有此花今朝見顏色更不向諸家

賞牡丹

前人

庭前芍藥妖無格池上芙蓉淨少情唯有牡丹真國色花
開時節動京城

惜牡丹花二首

白居易

惆悵階前紅牡丹晚來唯有兩花集作枝殘明朝風起應吹

盡夜惜衰紅把火看

二

寂寞菱紅低向雨離披破艷散隨風晴天集作明落地猶凋

張何况飄零泥土中

牡丹

錦帷集作幃下同初卷衛夫人典畧云夫子見南子南子在錦帷之中繡被猶堆

越鄂君垂手亂翻雕玉珮細腰頻舞集作招腰爭舞鬱金裙石家

蠟燭何曾剪荀令香爐可待薰我是夢中傳彩筆欲書花

片集作葉寄朝雲

同前

絕代秣西子眾芳唯牡丹月中虛有桂天上謾誇蘭夜濯

金波滿朝傾玉露殘性應輕蕙齒根本是琅玕奪日霞千

片陵風綺一端稍宜經一作露宿雨徧覺耐春寒見說開元

歲初令植御欄貴妃嬌欲比侍女妬羞看巧類鴛鴦織光

灑射月團漸移公子第還種杏花壇豪士傾囊買貧儒假

笑觀葉藏梧際鳳枝動鏡中鸞似笑賓初至如愁酒欲闌

詩人忘芍藥釋子媿梅檀酷烈宜名壽姿容想姓潘素光

翻鷲羽丹靨赭鷄冠驚拂驚還語蜂貪困未安儻令紅臉

笑兼解翠眉攢少長呈連萼嬌矜寄合歡息肩移九軌無

脛到千官日耀香房折風披藥粉乾好酬青玉案稱貯碧

冰盤壁要連城與珠堪十斛判更思初甲拆那得異泥蟠

騷詠應遺恨農經秣粗刊魯般雕不得延壽筆將殫醉客

同攀折佳人惜犯千始知來苑圃全勝在林巒泥澤當澆

酒庭除又綽寬若將桃李並方覺効嘖難

牡丹二首

温庭筠

輕陰隔翠幃宿雨泣晴暉醉後佳期在歌餘舊意非蝶繁

輕粉住蜂重抱香歸莫惜薰燼夜因風到舞衣

二

永漾晴紅壓疊波曉來金粉覆庭莎裁成艷思偏應巧分
得春光最數多欲綻似含雙靨笑正繁疑有一聲歌華堂
客散簾垂地想凭欄下歛翠蛾

同前四首

薛能

異色稟陶甄常疑主者偏衆芳殊不類一笑獨奢妍顆折
羞含嬾蓑虛隱陷圓亞心堆勝被羨色艷於蓮品格如寒
食精光似少年種堪收子子價合易賢賢迥秀應無妬竒
香稱有仙深陰宜映幕富貴助開筵蜀水爭能染巫山未
可憐數難忘次第立困戀傍邊逐日愁風雨和星祝夜天

日從留盡賞離此便歸田

二乾符二年再作

萬朶照初筵狂遊憶少年曉光如曲水顏色似西川白向
庚辛受朱從造化研衆開成伴侶相笑極神仙見焰寧勞
火聞香不帶煙自高輕月桂非偶賤池蓮影接彫盤動藜
遭惡草偏招歡憂事阻就卧覺情牽四面宜綈錦當頭稱
管絃泊來鷲定憶紛擾蝶何煎蘇息承朝露滋榮仰霽天
壓欄多盡好敵國貴宜然未落湏迷醉因茲任病纏人誰
知極物空負感麟篇

三

去年零落暮春時淚濕紅牋怨別離

詩

一作常恐便同

巫峽散因何重有武陵期
傳情每向馨香得不語
還應彼此知
只欲欄邊安枕席
夜深閑共說相思

四

牡丹愁爲牡丹饑
自惜多情欲瘦羸
濃艷冷香初蓋後
好風乾雨正開時
吟蜂遍坐無閑藥
醉客曾偷有折枝
京國別來誰占翫
此花光景屬吾詩

同前二首

韓琮

桃時杏日不爭濃
葉帳陰成始放紅
曉艷遠分金掌露
暮香深惹玉堂風
名移蘭杜千年後
貴擅笙歌百醉中
如夢如仙忽零落
暮霞何處綠屏空

二詠未開者

殘花何處藏
盡在牡丹旁
嫩葉包金粉
重葩結繡囊
雲幄巫山夢
簾開景陽粧
應恨年華促
遲遲待日長

觀江南牡丹

張瓊

北地花開南地風
寄恨還與客心同
群芳盡怯千般態
幾醉能銷一番去聲紅
舉世祇將華勝實
真禪元喻色爲空
近年明主思王道
不許新栽滿六宮

僧院牡丹

陳標

琉璃地上開紅艷
碧落天頭散曉霞
應是向西無地種
不然爭肯重蓮花

牡丹

羅鄴

落盡春紅始見

雜詠作着

花花時比屋事豪奢
買栽池館恐無

地看到子孫能幾家門倚長衢攢繡轂雜詠作軌 惺籠輕日護
香霞歌鍾滿座爭觀賞肯信流年鬢有華

同前二首

似共東風別有因絳羅高捲不勝春若教解語應傾國任
是無情亦動人芍藥與君為近侍芙蓉何處避芳塵可憐
韓令功成後辜負穠華過此身

二 虛白堂前相傳云 白傳手植在錢塘

欲詢往事奈無言六十年來此託根香煖幾飄袁虎扇格
高長對孔融樽曾憂世亂陰難合且喜春殘色尚存莫背
欄干便相笑與君俱受主人恩

牡丹

裴說

豔朵欲傾城集作色 堪驚 安同桃李榮未嘗貧處見不似地中

生此物疑無價當春獨有名遊蜂與蝴蝶來往自多情

裴給事宅白牡丹

盧綸

長安豪貴惜春殘爭翫街西詩選作爭 賞新開 紫牡丹別有玉盤

承露冷無人起就月中看

白牡丹

王貞白

穀雨洗纖素裁為白牡丹異香開玉合輕粉泥銀盤時貯
露華濕宵傾月魄寒家人淡粧罷無語倚朱欄

桃花

奉和詠龍門桃花

蕭愨

舊聞開露井今見植龍門樹少知非塞花高異小園論時

應未發故欲影歸軒抵言輕初學記摘罷猶勝逐風翻

詠桃

唐太宗

禁苑春暉麗花溪綺樹裝綴條深淺色點露參差光向日
分千笑迎風共一香如何仙嶺側獨秀隱遙芳

望人家桃花

賀知章

山源夜雨度仙家朝發東園桃李花桃花紅兮李花白照
灼城隅復南陌南陌青樓十二重春風桃李誰為容棄置
千金輕不顧踟躕五馬謝相逢徒言南國容華晚遠疑嘆
西家飄落遠的樂長春明光殿氛氲半入披香苑苑裏珠
木元自奇黃金作葉白銀枝千年萬歲不凋落還將桃李
更相宜桃李從來露井傍成蹊結影矜艷陽莫道春光不

可憐會持仙實薦君王

解中見桃花南枝已開北枝未發因寄杜副端

劉長卿

何意同根本開花每後時應緣去日遠獨自發春遲結實

恩難忘去聲集無言恨豈知年光不可待空羨向南枝

入百丈澗見桃花晚開

前人

百丈深澗裏過時花欲妍應緣地勢下遂使春風偏

晚桃花

白居易

一樹紅桃亞拂池竹遮松蔭晚開時非因斜日無由見不
是閑人豈得知寒地生材遺較易貧家養女嫁常遲春風

集作欲落誰憐惜自待郎來折一枝

大林寺桃花

前人

人間四月芳菲盡，山寺桃花始盛開。
長恨春歸無覓處，不知轉入此中來。

華陽觀桃花時招李六十遺飲

見二百三十七卷

前人

玄都觀栽桃十韻

章孝標

驅使鬼神功，攢栽萬樹紅。
薰香卅鳳闕，粧點紫瓊宮。
寶帳重遮日，妖金遍累空。
色燃燒藥火，影舞步虛風。
粉撲青牛過，枝驚白鶴冲。
拜星春錦上，服食晚霞中。
碁局陰長合，簫聲秘不通。
艷陽迷俗客，幽邃失高公。
根柢終盤石，桑麻自轉蓬。
求師飽靈藥，他日訪遼東。

金谷園桃李

許渾

花在舞樓空，年年依舊紅。
淚光停曉露，愁態倚春風。
開處

妾先死，落時君亦終。
東流兩三

集作三兩

片應到

一作在

夜泉中

桃花

薛能

春色是天種，千年豈易逢。
開齊人未落，繁極欲相重。
冷濕朝如澹，晴乾晚更濃。
風光新社燕，時節舊春鴻。
籬落歌臨竹，亭臺盡間松。
亂緣堪羨蟻，深入不如蜂。
有影宜暄照，無言自冶容。
洞連非俗世，蹊盡接仙蹤。
子熟河應變，根盤土已封。
西王潛愛惜，東朔恣偷從。
醉席眠英好，題詩戀境慵。
芳菲聊一望，何必是臨邛。

敷水小桃盛開因題

温庭筠

敷水小橋東，娟娟

一作娟娟

照露叢。所嗟非勝地，堪恨是春風。

二月艷陽郎一枝惆悵紅定知留不住吹落路塵中

反生桃花發因題

前人

病眼逢春四壁空夜來山雪破東風未知王母千年熟且
共劉郎一笑同已落又開橫晚翠似無如有帶朝紅僧屐
蠟炬高三尺莫惜連宵照露叢

小桃

鄭谷

和煙和雨遮敷水映竹映村連灞橋一作陵撩弄春風奈寒

冷到頭贏得杏花嬌一作憎

桃花

羅隱

暖觸衣襟漠漠香間梅遮柳不勝芳數枝艷拂文君酒半
里紅歌宋玉墻盡日無人疑怨望一作時經雨乍寒涼舊山

山下還如此迴首東風一斷腸

杏花

古苑杏花

張籍

廢苑杏花在行人愁過集作到時獨開新塹底半露舊燒枝

晚色連荒轍低陰覆折碑濛濛集作茫茫古陵路集作下春盡又

誰知

杏園花下贈劉郎中

白居易

恠君把酒偏惆悵曾是貞元花下人自別花來多少事東

風二十四迴春

酬白樂天杏花園

劉禹錫

二十餘年作逐臣歸來還見曲江春遊人莫笑白頭醉老

醉花間能一作幾人

同前

元稹

劉郎不用問惆悵且作花間共醉人
筭得貞元舊朝士幾員同見太和春

右三篇又見第二百四十五卷前已削去而存于此

同白侍郎杏園贈劉郎中

張籍

一去瀟湘頭已集作白今朝始見杏園雜詠作苑
春從來遷客應無數重到花前有幾人

杏花

溫庭筠

紅花初綻雪花繁重疊高低滿小園
正見盛時猶悵望豈堪開處已續翻
情為世累詩千首醉是吾鄉酒一罇
杏杏

歌春日午出牆何處隔朱門

同前

李隱商

上國昔相值亭亭如欲言異鄉今暫賞
脉脉豈無恩拔少風多力墻高月有痕
為含無限思集作遂到不勝繁
仙子

王京路主集作人金谷園幾時醉碧落
誰伴過黃昏鏡拂

鉛華膩鑑藏桂燼温終應催竹葉先
擬詠桃根莫學啼成血從教夢寄魂
吳王採香逕失路入煙村

同前

鄭谷

不學梅欺一作雪輕紅照碧池
小桃新謝後雙燕恰集作

來時香屬登龍客集作煙籠宿蝶
枝臨軒湏貌音取風雨

易離披

欲別離休更開桃綬含情依露井柳綿相憶隔章臺天
地角同榮謝豈要移根上苑栽

回更甚

謝光景野此玉對寒絲

豔黃絲

惜鶯

又苦

舞

清

舞

文苑英華卷第三百二十二

詩一百七十二

花木二

梅花二十首

芙蓉花九首

蓮荷七首

石榴八首

海棠七首

玫瑰二首

玉蕊二首

薔薇四首

菊花十二首

蜀葵四首

梅花

雪裏覓梅花

梁簡文帝

絕訝梅花晚爭來雪裏窺下枝低可見高處遠難知俱羞

惜晚露相讓道腰羸定須還剪綵學作兩三枝以下六篇並見初學

記

梅花

吳筠

梅性本輕蕩世人相陵賤故作負霜集作雪花欲使綺羅見
但願深相知千摧非所戀

早梅

何遜

兔園標物序驚時最是梅御霜當路發映雪擬寒開枝橫
却月觀花遶陵風臺朝灑長門泣夕駐臨卣杯應知早飄
落故逐上春來

和孔中丘雪裏梅花

王筠

永泉猶未動庭樹已先知翻光同雪舞落素混一作冰池
今春競時發猶是昔年枝唯有長顛頓對鏡不能窺

同蕭左丞詠摘梅花

庾肩吾

窓梅朝始發庭雪晚初消折花牽短樹攀叢入細條垂冰
溜玉手含刺冒春腰遠道終難寄馨香徒自饒

梅花

庾信

常年臘月半已覺梅花闌不信今春晚俱來雪裏看樹動
懸冰落枝高出手寒早知覓不見真梅着衣單

在蜀正朝摘梅

張說見集本

蜀地寒猶煖正朝發早梅偏驚萬里客已復一年來

庭梅

張九齡

芳意何能早孤榮亦自危更憐花帶弱不受歲寒移朔雪
那相妬陰風已屬吹馨香雖尚爾飄蕩復誰知

和常州崔使君詠後庭梅二首 孫逖

聞唱梅花落江南春意深更傳千里外來入越人吟弱翰
紅粧倚繁香翠羽尋庭中自公日歌舞向芳陰

二

梅院重門掩遙遙歌吹邊庭深人不見春至曲能傳花落
彈碁處看來薦枕前使君停五馬行樂此中偏

官舍早梅

張謂

階下雙梅樹春來畫不成晚時花未一作易落陰處葉難生

摘子防人到攀枝畏鳥驚風光先占得桃李莫相輕

早梅

戎昱

一樹寒梅白玉條迴臨村路傍溪橋一作絕句時選不知一作應綠近水

花先發疑是經春一作冬雪未銷

和薛秀才尋梅花同飲見贈 白居易

勿驚林下發寒梅便試花前飲冷盃白馬走迎詩客去紅
筵鋪待舞人來歌聲怨處微微落酒氣薰時旋旋開若到

歲來集作寒無雨雪猶應醉得兩三迴

梅

杜牧見集本

輕盈照野水掩斂下瑤臺妬雪聊相比欺春不逐來偶同
佳客見似為凍醪開若在秦樓畔堪為弄玉媒

酬崔八早梅有贈兼見示之什 李商隱

知訪寒梅過野塘久留金勒為迴腸謝郎衣袖初翻雪荀
令薰鑪更換香何處拂曾資蝶粉幾時塗額藉蜂黃維摩

一室雖多病要舞集作天花作道場時余在惠祥上人講下故崔藩句梵王宮

地羅含宅頽許時時聽法來

人日梅花病中作

李群玉

去年今日湘西寺獨把寒梅愁斷腸今年此日江邊宅臥

見瓊枝低壓墻半落半開臨野岸團情團思醉韶光玉麟

寂寂飛斜月素艷亭亭帶雜詠作對夕陽已被兒童苦攀折更

遭風雨雜詠作雪損馨香洛陽桃李漸撩亂迴首行宮春景長

江梅

鄭谷見集本

江梅且緩飛前輩有歌詞莫惜黃金縷難忘白雪枝吟看

歸不得醉艱立如痴和雨和烟折含情寄所思

梅

前人

江國正寒春信穩嶺頭枝上雪飄飄何言落處堪惆悵

是開時也寂寥素艷照罇桃莫比孤香粘袖李須饒離人

南去腸應斷片片隨鞭過楚橋

梅花

羅隱

吳王醉處十餘里照野集作夜拂衣今正繁經雨不隨山鳥

散倚風疑共路人言愁憐粉艷飄歌席靜愛寒香撲酒罇

欲寄所思無好信為君惆悵又黃昏

人日新安道中見梅花

其年以徐冠停舉

前人

長途酒醒臘天寒嫩蘂香英撲馬鞍不上壽陽公主面憐

君開得却無端

芙蓉

賦得涉江採芙蓉

梁孝元帝

見初學記

江風當夏清桂楫逐流縈初疑京兆劍復似漢冠名荷香
風送遠蓮影向根生葉卷珠難溜花舒紅易輕日暮鳥舟
滿歸來度錦城

同前

孔德紹

蓮舟泛錦積極目眺江干沿流楫渡易逆浪取花難有零
疑川廣無風見水竟朝來採摘倦詎得久盤桓

同心芙蓉

朱超

青山麗朝景玄峯朗月

類聚作夜

光未及清池上紅蕖並出房

日分雙蒂影風合兩花香魚驚畏蓮折龜上礙荷長雲雨

流輕潤草木應嘉祥徒歌江上

類聚作涉元

曲誰見緝為裳

同前

林藪

林藪

灼灼荷花瑞亭亭出水中一莖孤引綠雙影共分紅色奪
歌人臉香亂舞衣風名蓮自可念况復兩心同

芙蓉

辛德源

洛神挺凝素文君拂艷紅麗質徒相比鮮姿

樂府作彩

難兩同

光臨照波日香隨出崖風涉江良自遠託意在無窮

採芙蓉

唐太宗

見初學記

結伴戲方塘攜手上雕航船移分細浪風散
動浮香

游鶯無定曲驚鳧有亂行蓮稀釧聲斷水廣棹歌長棲鳥

還密樹泛流歸建章

秋朝木芙蓉

李嘉祐

水面芙蓉秋已衰繁條倒是着花時平明露滴垂紅臉似
有朝愁集作暮落悲

闕下芙蓉

包荷見類詩

一人理國致昇平萬物呈祥助聖明天上河從闕下過江
南花向殿前生慶雲垂蔭開難落湛露為珠滿不傾更對
樂懸張篋箎歌工欲奏採蓮聲

重臺芙蓉

李德裕

芙蓉含露時秀色波中溢玉女攏集作朱裳重重映皓質

晨霞耀丹景雜詠作紫片片明秋日蘭澤多衆芳妍姿不相匹

蓮荷

秋池一株蓮

弘執恭

秋至皆虛落淩波獨吐紅託根方得所未肯即從風

重臺蓮

李紳

綠荷舒卷涼風曉紅萼開縈紫的重游女漢臯爭笑臉二
妃湘浦並愁容自含秋露貞姿潔不曉春妖冶態穠終恐
玉京仙子識却持歸種碧池中

南池嘉蓮

姚合

芙蓉池裏一作葉田田一本雙枝照碧泉集作濃麗集作

共妍香各散東西分艷葉相連自知政術無他異縱是禎

祥亦偶然四野人聞皆盡喜爭來入郭看嘉蓮

永樂殷堯潘明府縣池嘉蓮詠 雍陶

青蘋白石匝蓮塘水裏蓮開帶瑞光露濕紅芳雙朶重風

搖綠帶一枝長同心梳子徒誇艷合穗嘉禾豈解香不獨
豐祥先有應更宜花縣對潘郎

荷花

李商隱

都無色可並不奈此香何瑤席乘涼設金羈落曉集作晚過

覆集作回袞燈照綺渡鞦韆水沾羅預想秋前集作前秋別離居夢

權歌

和太常杜少卿東都脩竹里有嘉蓮

溫庭筠

春秋罷注真銅龍舊宅嘉蓮照水紅兩處龜巢清露裏一

時魚躍翠莖東同心表瑞荀池上半面粉粧樂鏡中應為

臨川多麗句故持重艷向西風

蓮葉

鄭谷

移舟水濺差差綠倚檻風斜集作搖柄柄香多謝浣沙集作溪

人莫集作不折雨中留得蓋鴛鴦

石榴

摘安石榴枝贈劉孝威

塗林安石榴也

王筠

中庭有奇樹當戶發華滋素莖表朱實綠葉厠紅蕤旣標

大冲賦復見安仁詩宗生仁壽殿族代疑作茂河陽湄有美

清淮比如玉又如龜退書寫蟲篆進對多好辭我家新置

側新置側巴隣居可求不難識相望阻盈盈相思滿曾臆高枝為

君採請寄西飛翼

石榴

孔紹

可惜庭中樹移根逐漢臣只爲來時晚開花不及春

詠郡齋海榴

宋之問

澤國韶氣早開簾延霽天野禽宵未轉山蜚畫仍眠目茲
海榴發列映巖楹前熠燿禦風靜歲蕤含景鮮清晨綠堪
佩亭午丹欲然昔忝金闕籍嘗見玉池邊未若宗族地更
逢榮耀全南金雖自貴一作賞詎誰一作能遷撫躬萬里
絕豈染一朝妍從祿滯遐郡賞疑作常是惜流年越一作鄙章
甫捫心空自憐

同和詠樓前海石榴二首

孫逖

客自新亭郡朝來數物華傳居妓樓好初落海榴花露色
珠簾映香風粉壁遮更宜林下雨日晚逐行車

二

濟上移珠木樓前詠所思遙聞下車日正在落花時舊綠
春行蓋新紅洒步恭從一作來寒不易終見久逾滋

題韋潤州後亭海榴

李嘉祐見集本

江上年年小雪遲年光獨報海榴知寂寂山城風日暖謝
公含笑向南枝

韋中丞西廳海榴

皇甫冉

海流爭讓候榴花犯雪先開內史家末客朝朝鈴閣下從
公步履翫年華

題山石榴花

白居易

見集本

一叢千朵壓闌干剪碎紅綃却作團風嫋舞腰香不盡露

銷粧臉淚初一作新乾薔薇帶刺攀常懶
菡萏生泥翫亦難
不及此花簷戶下任人採弄盡上人看

海棠

左掖海棠詠

王維

閑洒堦邊草輕隨箔外風黃鶯弄不足
銜向集作入未央宮

海棠

海邊佳樹生奇彩知是仙山取得栽
瓊藥籍中間閬苑紫
芝圖上見蓬萊淺深芳萼通宵換
委積紅英報晚開寄語
春園百花道莫爭顏色泛金杯

海棠

薛能

酷烈復離披玄功莫我知青苔特凝長
庭暮柳間開時

醉遊人插連陰彼叟移晨前清露濕
晏後惡風吹香少傳
何許妍多盡半遺烏蘇漣水脉庭綻
粒松枝偶泛因沉硯
閑飄欲亂碁迭山生玉壘和郡遍坤
維負賞一作慙休飲
牽吟分失飢明年應不見留此贈巴兒

題磁嶺海棠花

温庭筠

幽態竟誰賞歲華空與期
島迴香盡處泉照艷濃時
蜀彩
淡搖拽吳粧低怨思
王孫又誰恨惆悵下山遲

擢第後入蜀經羅村溪路見海棠盛開偶有題詠

鄭谷

上國休誇紅杏花深溪自照綠苔磯
一枝低帶流鶯睡數
片狂隨集作和舞蝶飛堪恨
路長移不得可無人與畫將歸

手中已有新春桂多謝烟香更惹集作入衣

海棠

前人

春風用意勻顏色銷得攜觴與賦詩艷麗最宜新着雨嬌
嬌全在欲開時莫愁粉雜詠作淺黛臨窓嬾梁廣丹青點筆逢

朝醉暮吟看不足羨他蝴蝶宿深枝

蜀中賞海棠

前人

濃澹芳春滿蜀鄉半隨風雨斷鶯一作人腸浣花溪上堪惆

悵子美無情為發揚

玫瑰

奉和中書李舍人昆季詠玫瑰花寄徐郎中

盧綸

獨鶴寄烟霜雙鸞思晚芳舊陰依謝宅新艷出丘墻蝶起
搖輕露鶯銜入夕陽雨朝勝濯錦風夜劇焚香斷燒千里
焰孤霞一片光密來驚葉少動處覺枝長布影期高賞留
春為遠芳嘗聞贈瓊玖叨和愧登堂

同前

司空曙

仙吏紫薇郎奇花共翫芳攢星排綵帶照眼發和光暗妬
翻堦藥遙連直署香透枝蜂遶易礙刺鳥銜妨露濕凝衣
粉風吹散蘂黃蒙籠珠樹合煥爛錦屏張留客容容看竹思
人比愛棠如當一作傳採蘋詠遠思滿瀟湘

玉蘂

唐昌觀玉蘂

武元衡見集本

琪樹年年玉蕊新
洞宮長閉彩霞春
日暮落英鋪地雪
獻花無復九天人

唐昌觀玉蕊花詠

楊巨源

晴空素艷照霞門
香洒天風不到塵
持贈昔聞將白雪
藥珠宮上玉花春

門字可疑別本作照霞新

薔薇

劉侍中宅盤花紫薔薇

章孝標

直率偏饒麗景家
當春盤出帶根霞
從聞一朶朝衣色
免踏塵埃看雜花

薔薇

朱慶餘

遶架

雜詠作四面

垂條密浮陰
入夏清綠攢傷手
刺紅墮斷腸

英粉着蜂鬢
鳳光凝蝶翅
明雨來

雜詠作中

看亦好况復值初晴

晴

朱秀才庭際薔薇

方干

繡難相似畫難成
明媚鮮妍絕比倫
露壓盤條方到地
風吹艷色欲燒春
斷霞轉影侵西壁
濃麝分香入四鄰
看取後時歸故里
爛花須讓錦衣新

一作庭花應謝

臨水薔薇

李群玉

堪愛

集作恨

復堪傷無情不久長
浪搖千臉淚

集作笑

風舞一身香

身香

集作後押香字

似濯文君錦如啼

一作

漢女粧新思雲雨

外何處寄馨香

菊花

賦得殘菊花

唐太宗

階蘭凝曙霜岸菊照晨光
露濃晞曉笑風勁搖殘香
細葉雕輕翠圓花飛碎黃
還待初學記今歲色復結後年芳

秋菊

駱賓王

擢秀三秋晚開芳十步中
分黃俱笑日舍翠共搖風
碎影涵流動浮香隔岸通
金翹徒可泛玉學竟誰同

東園翫菊

白居易

少年昨已去芳歲今又闌
如何寂寞意復此荒涼園
園中獨立久日淡風露寒
秋蔬盡蕪沒好樹亦凋殘
唯有數叢菊新開籬落間
携觴聊自酌集作為爾一留連
憶我少小時易為興所牽
見酒無時節未飲已欣然
近從年長來漸覺取樂難
常恐更衰老彊醉亦無歡
顧謂爾菊花後時何獨鮮
誠知不為我借爾暫開顏

和錢員外早冬翫禁中新菊

前人

禁署寒氣遲孟冬菊初一作折
新黃間繁綠爛若金照碧
仙郎小隱日集作心似陶彭澤
秋憐潭上看日慣籬邊摘

今來此地賞野意潛自適
金馬門內花玉山峯下客
寒芳引清句吟賞集作烟景夕
賜酒色偏宜握蘭香不敵
淒淒百卉死歲晚冰霜積
有此花開時集作唯殷勤助君惜

菊

釋無可

東籬搖落後密艷被寒催
夾雨驚新折經霜忽盡開
野香盈客袖禁藥泛天杯
不共春蘭並悠揚遠蝶來

菊

李商隱

暗暗澹澹紫融融
冶冶黃陶令
籬邊色羅含
宅裏香幾時
禁重露實是怯斜

集作

陽願汎金鷄
鷓昇君白玉堂

野菊

前人

苦竹園南椒塢邊
微香冉冉淚涓涓
已悲節物同寒鴈
慙委芳心與暮蟬
細路獨來當此夕
清罇相伴省他年
紫雲

一作

新苑移花處不取霜栽近御筵

詠夾迳菊

薛能

夾迳盡黃英不通人
並行幾會相對綻
元自兩行生叢比
高低等香連左右
并岸搖風勢斷中
夾日華明間隔
冷隔交橫蝶亂橫
頻應泛人桑落
猶處近前楹

白菊

許棠

所尚雪霜姿非關落帽期
香飄風外別影到月中疑
發在林凋後繁類詩
當露冷時人間稀有此
自古乃無詩

十日菊

鄭谷

節去蜂愁蝶不知
曉來集作還繞折花集作
枝自綠今日人心別
未必秋香一夜衰

白菊

張蠡

秋天木葉乾猶有
白花殘舉世稀
栽得豪家却盡看
片苔相映綠諸卉
獨宜寒幾度攜
佳客登高欲折難

菊

羅隱

籬落歲云晏集作
數枝聊自芳
雪裁織葉密
金折小苞香

千載白衣酒一生青女霜春叢莫輕薄彼此有行藏

蜀葵

黃蜀葵

薛能

嬌黃新嫩類詩欲題詩盡日含毫有所思記得玉人初病

較類詩道家裝束厭穠時

黃蜀葵

崔涯

野欄秋景晚疎散兩三枝嫩葉類詩淺輕態幽香閑澹姿

露傾金盞小風引道冠欵獨立悄無語清愁人詎類詩知

蜀葵

陳標

眼前無奈蜀葵何淺紫深紅數百窠能共牡丹爭幾許

人輕處祗緣多

蜀葵詠

詩一百七

綠衣去地紅倡倡薰風似舞諸女郎南溱蕩子婦無賴錦

機春夜成文章

刺桐花五首

看花四首

惜花七首

殘花二首

雜花二十五首

柳花三十二首

山花

野圃秋景晚疎散兩三枝嫩葉
露傾金盞小風引道冠欵獨立情無語清愁人誰
辨春郊外文章
人輕處
黃蜀葵
崔涯

絲牙共此
人輕處
陳標

文苑英華卷第三百二十三 詩一百七十三

花木二

山花二首

刺桐花五首

看花四首

惜花七首

殘花二首

雜花二十五首

柳花三十二首

山花

山花

錢起

山花照塢復燒溪樹樹枝盡可迷野客未來枝畔立流
鶯已向樹邊啼從容只是愁風起春戀常須向日西別有
妖妍勝桃李攀來折去亦成蹊
向日類詩
到日

題友人山花

方干

平明方盡圻集作笑盡為得好風吹不見移來日先愁花去時

濃香薰疊葉繁朵壓卑類聚枝來集作看皆終夕遊蜂似

集作有期

刺桐

泉州刺桐花詠五首兼呈趙使君

陳陶

海曲春深滿郡霞越人多種刺桐花可憐虎竹西樓色錦

帳三千阿母家

二

石氏金園無此艷南都舊賦乏靈材只因赤帝宮中樹丹

鳳新銜出世來

三

猗猗小艷夾通衢晴日薰風笑越姝只是紅芳移不得刺

桐屏障滿中都

四

不勝攀折悵年華紅樹南看見海涯故國春風歸去盡何

人堪寄一枝花

五

赤帝常詩選聞海上遊三千幢蓋擁炎州今來樹似離宮

色紅翠斜欹詩選十二樓

看花

韋員外東齋看花

李端

入花凡幾步此樹獨相留發艷紅枝合垂烟綠水幽併開
備覺好未落已看愁一到芳菲下空貽兩鬢秋

夏日裴尹員外西齋看花

楊巨源

笑向東一作南來客看花枉在前始知清夏月更勝艷陽天

露濕呈粧汗風吹畏火燃蔥龍和葉盛爛熳壓枝鮮紅彩

當鈴閣清香到玉筵蝶栖驚曙色鶯語滯一作晴烟得地

殊堪賞過時倍覺妍芳菲遲最好唯是謝家憐

共友人看花

羅鄴

愁將百萬一作萬里身來伴看花人何事獨惆悵故園還又春

看花

前人

花開只恐看花遲看了愁多詩選作如未看時家在楚鄉身在

蜀一年春色負歸期二十四

惜花

惜花吟

鮑君微

枝上花花下人可憐顏色俱青春昨日看花花灼灼今朝

看花花欲落不如盡此花下歡莫待春風總吹却鶯歌蝶

舞韶光長紅爐煮茗松花香粧成罷吟恣遊後獨把芳枝

歸洞房

山中惜花

王建

忽看花漸稀罪過酒醒遲尋覓風來處驚悵夜落時遊絲

纏故葉宿葉守空枝開取當軒地年年樹底期

惜花

于鵠

夜來花落盡偏惜兩三枝早起尋稀處閑眠記落時
藥焦蜂自散帶折蝶還稀攀看殷勤別明年更有期

荆南陪楚尚書惜落花

前人

老大看花長不足沿江尋得一枝紅黃昏人散東風起吹
落誰家明月中

惜落花

白居易

夜來風雨急無復舊花林枝上三分落園中一寸深日斜
啼鳥思春盡老人心莫恠添盃飲情多酒不禁

惜落花贈崔二十四

前人

漠漠紛紛不奈何狂風急雨兩相和晚來悵望君知否枝

上稀疎地上多

惜花

可憐天

集作妍

艷正當時剛被狂風一夜吹今日流鶯來舊

處百般言語泥

集作啼

空枝

殘花

阮殘花

楊發

十月濃芳一歲程東風初急眼偏明低枝似泥幽人醉莫
道無情似有情

殘花

已嘆良時晚仍悲別酒催暖芳隨人薄殘

集作輕

片逐風迴

黛斂愁歌扇粧紅

集作感

泣鏡臺繁陰莫矜銜終是共塵埃

雜花

夏中崔中丞宅見海紅搖落後一花獨開

何事一花殘閑庭百草闌綠滋經雨發紅艷隔林看竟日
餘香在過時獨秀難共憐芳意晚秋露未湏團集作

莪葵花歌

劉脊虛附見岑參集

昨日一花開今日一花開今日花正好昨日花已老人生
不得長集作少年莫惜床頭沽酒錢有錢向酒家君不見

莪葵花

雲陽寺詠石竹花

司空曙

一自幽山別相逢此寺中高低俱出集作葉深淺不分叢

野蝶難爭白庭榴暗讓紅誰憐芳最久春露到秋風

同耿緯司空曙二拾遺詠韋員外東齋花樹

盧綸

綠砌紅花樹狂風獨未吹光中如有焰密處似無枝鳥動
香重發人愁影屢移今朝數片落為報員外知

花一字至七字

張南史

花花深淺芬葩凝為雪錯為霞鶯和蝶到苑占宮遮已迷
金谷路頻駐玉人車芳草欲陵芳樹東家半落西家願得
春風相伴去一攀一折向天涯

花

戴叔倫

花發炎景中芳春獨能久因風任開落向日無先後若待

秋霜來蘭蓀共何有

宮苑花集作宮怨

李益

露濕晴花春殿香月明歌吹在昭陽似將海水添宮漏共滴長門一夜長

此篇集以宮怨為題語亦相應今英華作宮苑花入此

門恐誤

與李文仲秀才同賦泛酒花詩 揚巨源

若道春無賴飛花合逐風巧知人意裏解入酒盃中香濕勝含露光搖似泛空請君迴首看一作醉眼幾片舞芳叢

題花樹 楊衡

都無看花意偶到樹邊不可憐枝上色一一為愁開

槿

自用金錢買槿栽二年方始一花開憐紅未許家一作人

見蝴蝶爭知早到來

同友人尋澗花 白居易

聞有澗底花買得村中酒與君來較遲已逢搖落後臨觴有遺恨悵望空溪口記取花發時期君重攜手我生日日老春色年年有且作來歲期不知身健否

東坡種花二首 前人

持錢買花樹城東坡上栽但購有花者不限桃李集作杏梅

百果叅雜種千枝次第開天時有早晚地方無高低紅者霞艷艷白者雪皚皚遊蜂逐不去好鳥亦棲來前有長流

水下有小平臺時拂臺上石一舉風前盃花枝蔭我頭花
葉入落集作我懷獨酌復獨詠不覺日平西巴俗不愛花竟
春無人來唯此醉太守盡日不能迴

二

東坡春向暮樹下今何如漠漠花落盡翳翳葉生初集作

每日領僮僕荷鋤仍鑿集作渠剡土壅其本引泉溉其枯

小樹低數尺大樹長丈餘封植來幾時高下齊扶疏養樹

既如此養民亦何殊將欲茂枝葉必先救根株云何救根

株勸農均賦租云何茂枝葉省事寬刑書移此為郡政

幾民集作俗蘇

山枇杷花

前人

深山老去惜年華况對東溪野枇杷火樹風來翻絳焰
枝日出曬紅紗迴看桃李都無色映得芙蓉不是花爭奈
結根深石底無因移得到人家

贈僧院花

前人

欲悟色空為佛事故栽芳樹在僧家細看便是華嚴偈
方便風開智慧花

長安花

聶夷中

種花滿西園集作園花發青樓道花下一禾生去之為惡草

晚春花

項斯見百家詩選

陰洞日光薄花開不及時當春無半樹經晚足空枝疎與
香風會細將泉影移此中人到少開盡幾人知

苦練花

温庭筠

院裏鶯歌歇，墻頭舞蝶孤。天香薰羽葆，宮紫暈流蘇。曉
迷青瑣氣，氤氳向畫圖。只應春惜別，留與博山爐。

蓼花

鄭谷

簇簇復悠悠，年年拂漫流。差池伴黃菊，冷淡過清秋。晚帶
鳴蛩一作急寒藏宿鷺，愁故溪歸不得。憑仗繫漁舟。

水林檎花

前人

一露一朝新，簾櫳曉景分。艷和蜂蝶動，香帶管絃聞。笑
春無力粧穠集作濃，酒漸醺。直疑風雨起，夜飛去替行雲。

槐花

前人

毵毵金蕊撲晴空，舉子翬驚落照中。今日老郎猶有恨，青

年相慮十秋風

歎花

崔塗

遲遲傍曉陰，昨夜色猶深。畢竟榮須落，堪悲古與今。明年
何處見，盡日此時心。蜂蝶無情極，殘香更不尋。

贈花

李羣玉

酒爲看花醞，花須趁酒紅。嗔集作莫令芳樹晚，使我綠罇空。
金谷園無主，仙源路不通。縱非乘酒興，集作折長短。盡隨風。

對花

秦韜玉

長與韶光暗，有期可憐蜂蝶。卽詩選先知誰家促，席臨低
樹何處橫。釵戴詩選小枝麗，日多情。宜詩選曲照和風，得
路合偏吹向人。雖道渾無語，幾勸王孫到醉時。

庭花

羅隱

昨日芳艷濃開罇幾同醉今朝風雨惡惆悵人生事南威
病不起西子老兼至向晚寂無人相偎墮紅淚

柳

詠雲陽樓簷柳

梁元帝

楊柳非花樹依樓自覺春枝邊通粉色隙裏映紅巾帶日
交簾影因吹掃窓塵拂簷應有意偏宜桃李人

柳

吳均

細柳生堂北長風發鴈門秋霜常振葉春露詎濡根朝作
離蟬宇暮成宿鳥園不為君所愛摧折當何言

垂柳映斜溪

張正見

千仞青溪險三陽弱柳垂葉細臨湍合根空帶石危風
夾浦絮雨濯向流枝不分梅花落還同橫笛吹

敬和樂尉于卿柳

杜之松

漢將本屯營遼河有成城大夫曾取姓先生曾得名高枝
拂遠鴈疎影度遙星不覺攀折苦為入管絃聲

春池柳

唐太宗

見初學記

年柳變池臺隋堤曲直迴逐浪絲陰去迎風帶影來疎黃
一鳴呀半翠幾眉開榮雪臨春岸參差間早梅

柳

許景元

春色東來渡渭橋青門垂柳百千條垂疑作楊西連建章
路漢家枝苑紛無數榮花始遍合歡真一作遊絲半罥相

思樹春樓初日照南隅柔條垂綠掃金鋪寶釵新梳倭墮
髻錦帶交垂連理襦自憐柳塞淹戎幕銀燭長啼愁夢着
芳樹朝催玉管新春風夜染羅衣薄城頭楊柳已如絲今
年花落去年時折芳遠寄相思曲爲惜容華難再持

題河邊枯柳

王冷然

隋家天子憶揚州厭坐深宮傍海遊穿地鑿山開御路鳴
笳疊鼓泛春流流從鞏北河分口直到淮南種官柳功成
力盡人族亡運謝年移樹空有當時彩女侍君王帳殿旌
門對柳行青葉交垂連幔色白花飛散染衣香今日摧殘
何用道數里曾無一株好驛騎江帆損更多山精野魅
應老涼秋九月露爲霜日夜孤舟入帝鄉河畔時時聞
有時聞落木客中無箇不需裳

柳絮

吉中孚妻張氏

靄靄芳春朝雪絮起青條或值花同舞不因風自飄過罇
浮綠醕拂幌綴紅綃那用持愁翫春懷不自聊

庭柳

姚係

裊裊柳楊枝當軒雜珮垂交陰總共密分條各自宜因依
似永久類詩作夕攬結更傷離愛此陽春色秋風莫遽吹

賦得灞岸柳留辭鄭員外

楊巨源

楊柳含煙灞岸春年年攀折爲行人好風儻借低枝便莫
遣青絲掃路塵

楊花落

前人

北斗南迴春物老。紅英落盡綠尚早。韶風澹蕩無所依。偏
惜垂楊作春好。此時可憐楊柳花。榮盈艷曳蒲人家。人家
女兒出羅幙。靜掃玉庭待花落。寶環纖手捧更飛。翠羽輕
裾承不着。歷歷瑤琴舞金陳。菲紅拂黛憐玉人。東園桃李
芳已歇。獨有楊花嬌暮春。

勤政樓西老柳

白居易

半朽臨風樹多情。立馬人開元一株。柳長慶二年春

雨中題衰柳

前人

濕屈青條折寒飄。黃葉多不知。秋雨意更遣欲如何

楊柳枝詞

陶令門前四五樹。亞夫營裏百千條。何似東都正二月黃

金枝映洛陽橋

柳二首

李紳

千條揚

類詩作垂

柳拂金絲日暖牽。風葉學眉愁見花。狂飛

類詩

狂作飛

不定還同輕薄五陵兒

二

陶令門前甯接籬。亞夫營裏拂朱旗。人事推移無舊物。年
年春至綠垂絲

同前

杜牧

日落水流西復東。春光不盡柳何窮。巫娥廟裏低含雨。宋

玉宅

類詩作門

前斜帶風不嫌

類詩作將

榆莢共爭翠。深感杏

類詩作深

與花相映紅。灞上漢南千萬樹。幾人遊宦別離中

同前

温庭筠

楊柳千條拂面絲綠烟金穗不勝移集作吹香隨靜婉歌塵

起影伴嬌饒舞袖垂羌管一聲何處曲流鶯百轉最高枝

千門九陌花如雪飛過宮墻兩不自集作知

同前二首

李商隱

動春何限葉撼曉幾多枝解有相思否應無不舞時絮飛

藏皓蝶帶弱露黃鸝傾國宜通體誰家集作來獨賞眉

以下三篇並見集本

二

為有橋邊拂面香何曾自敢占流光後庭玉樹承恩澤不

信年華有斷腸

謔柳

前人

已帶黃金縷仍飛白玉花長時須拂馬密處少藏鴟眉細

從他歛腰輕莫自斜瑋梁誰道好偏擬映盧家

評柳

薛逢

弱植驚風急自傷暮來翻遣思悠揚曾飄綺陌隨高下敢

拂朱欄競短長縈砌乍飛還乍舞撲池如雪又如霜莫令

岐路頻攀折漸擬垂陰到畫堂

柳絮

薛陶

二月楊花輕復微春風飄蕩一作蕩濛惹人衣他家本是無情

物一向南飛又北飛

新柳

薛能

輕輕須重不須輕，衆木難成獨早成。
柔性定勝剛性立，一枝還引萬枝生。
天鍾和氣元無力，時遇風光別有情。
誰道少逢知己用，將軍因此建雄名。

詠柳花

前人

浮生失意頻起絮，又飄淪發自誰家。
樹飛來獨院春朝客，縈斷砌晴影過諸鄰。
亂掩空中蝶還一作繁衝陌上人隨波。
應到海霑雨，或依塵會向慈恩。
日輕輕對此身。

柳

韓琮

折柳歌中得翠條，遠移金殿種青霄。
上陽宮女吞聲送，不忿先歸學舞腰。

同前

韓喜類詩作漸

雪入青雲

類詩作雪盡青門

弄影微暖風遲日，早鶯歸如憑細葉。

留春色，須把長條繫落暉。
彭澤有情還鬱鬱，隋堤無主自

類詩作亦依依世間惹恨偏。
饒此可是行人折贈稀。

同前

方干

搖曳惹風吹，臨堤軟勝絲。
態濃誰為類詩作解識，力弱自難持。

學舞枝翻袖，呈粧葉展眉。
如何一攀折，懷友又題詩。

同前

鄭谷

半煙半雨溪集作江橋畔，暎杏暎桃山路中。
會得離人無限

意，千絲萬絮惹春風。

同前二首

顧雲

帶露含烟處處垂，綻黃搖綠嫩參差。
長堤未見風飄絮，廣

陌初憐日暎絲斜傍畫筵偷舞態低臨粧閣學愁眉離亭
不放到春暮折盡拂簷千萬枝

閒花野草總爭新眉皺絲乾獨不勻乞取東風殘氣力莫
教虛度一年春

同前

羅隱

灞岸晴來送別頻相偎相倚不勝春自家飛絮猶無定

把長條絆得人集作爭解重

絲伴路人

文苑英華卷第三百二十三

文苑英華卷第三百二十四

花木四

松三十七首

栢二首

桂六首

檜一首

杉一首

桐八首

槐二首

松

北鄉古松樹

古松唯一樹森竦詎成林獨留塵尾影猶橫偃蓋陰雲來
聚雲色風度雜風音孤生小庭裏尚表歲寒心

松樹

李德林

結根生上苑擢透邇華池歲寒無改色年長有倒枝露自
金盤灑風從玉樹吹寄言謝霜雪貞心自不移

松

李嶠

鬱鬱高巖表森森幽澗垂鶴棲君子樹風拂大夫枝百尺
條陰合千年蓋影披歲寒知不及類詩作終不改勁節幸君知

四松

杜甫

四松初移時大抵三尺疆別來忽三歲離立如人長會看
根不拔莫計枝凋傷幽色幸秀發幸集作會疎柯已昂藏所種

小藩籬本亦有隄防終然振撥損得愧集作松千葉黃敢為

故林主黎庶猶未康避賊今始歸春草滿空堂覽物歎衰

謝及茲慰淒涼清風為我起灑面若微霜足為集作足以送老

資聊待偃蓋張我生無根蒂集作汝配爾亦茫茫有情且賦

詩事跡可兩集作兩可忘勿矜千載後慘澹蟠穹蒼

蕭寺偃松

顧况

寥寥百卉病亭亭雙松迥直上古寺深橫拂秋殿冷輕響

入龜目一作息片陰栖鶴頂山中多好樹可憐無比並

觀隣老栽松

李端

雖過老人宅不解老人心何事殘陽裏栽松欲待陰待字一作得

中書相公任兵部侍郎日後閣植四松逾數年澣

忝此官因獻拙什鄭澣

丞相當時植幽襟對此開人知舟楫器天假棟樑材錯落

龍鱗出驪一作離從鶴翅迴重陰羅武庫細響靜山臺得地

公堂裏移根澗水隈
吳臣夢寐遠秦嶽
歲年催轉覺飛纓
謬何因繼組來
幾尋珠履跡
願比角弓培栢悅
猶依杜星
高爻照台後
凋應共操無復問良媒

奉和

劉禹錫

右相歷中臺
移松武庫栽
紫茸抽組綬
青實長玫瑰
便有干霄勢
看成構厦材
數分天柱半
影逐日輪迴
舊賞台階
去新知谷口
來息陰常仰
望翫意集作境
幾徘徊
翠粒晴
露蒼麟兩起
苔凝音助
瑤瑟飄
藥泛金壘
月桂光搖集作花
燭星榆葉對
開終湏似
鷄樹榮茂
近昭回

同前

唐扶

幽抱應無語
貞松遂自栽
寄懷丞相業
因擢大夫材
日射蒼鱗動
塵迎翠帚廻
嫩茸含細粉
初葉泛新杯
偶聖為舟
去逢時與鶴
來寒聲連曉
竹靜氣結陰
苔赫奔鳴騶
至榮煌洞戶
開良辰一
臨眺
憇樹幾徘徊
恨發風期阻
詩從綺思裁
還聞舊凋契
允在一作九萬
此中培

同前

姚合

四松相對植
蒼翠映中臺
擢幹陵空去
移根斲石開
陰陽氣潛照
造化手親栽
日月滋佳色
煙霄長異材
清音勝在澗
寒影徧生苔
靜遶霜霑履
閑看酒滿杯
同榮朱戶際
永日白雲隈
密葉聞風度
高枝見鶴來
賞心難可盡
麗什妙難裁
此地無因到
循墻幾百回

同前

右相歷兵署四松皆手栽斲時驚鶴去移處帶雲來根僮
雙桐植花分八柱開生成造化力長作棟梁材豈羨蘭依
省猶嫌栢占臺出樓終百尺入夢已三台幽韻和宮漏餘
香度酒杯拂冠枝上雪染履影中苔高位相承地新詩寡
和才何由比蘿蔓攀附在條枝

西齋小松二首

元稹

松樹短於我清風亦已多况乃枝上雪動搖微月波幽姿
得閑地詎感歲蹉跎但恐屢終構藉君當柰何

二

簇簇枝新黃纖纖攢素指柔苔漸依條短莎還半委清風
日夜高陵雲意集作竟何已千歲盤老龍脩鱗自茲始

右小松詩稹集并英華皆誤作一首詳詩意并異

清風二字合是二首

庭松

白居易

堂下何所有十松當我階亂立無行次高下亦不齊高者
三丈長下者十尺低有如野生物不知何人栽接以青瓦

屋承之白沙臺朝昏有風月慘温集作燥濕無塵泥踈韻秋瑟

瑟集作械械涼陰夏凄凄春深微雨夕蒲葉珠蓑蓑集作漼漼歲暮

大雪天壓枝玉皚皚四時各有趣萬木非其儕去年買此

宅多為人所哈一家三集作二十口移轉就松來近松集作移來

有何得但得煩襟開即此是益友豈必須集作交賢才顧我

猶俗士冠帶走塵埃未稱為松主時時一愧懷

寄題盤屋廳前雙松

雨松自仙遊山移植縣廳

前人

憶昨為吏日折腰多苦辛歸家不自適無計慰心神手栽
兩樹松聊以當平聲嘉賓乘春日一溉生意漸欣欣清韻度
秋在綠茸隨日新始憐澗底色不憶城中春有時晝掩關
雙影對一身盡日不寂寞意中如三人忽奉宣室詔徵為
文苑臣閑來一惆悵恰似別交情集作文親一作情親早知煙翠前
攀翫不遂巡悔從白雲裏移爾落囂塵

題遺愛寺前溪松

前人

偃亞長松樹侵臨小石磯靜將流水對高共遠峰齊翠蓋
煙籠密花幢雪壓低與僧清影坐借鶴穩枝栖筆寫形難
似琴偷韻易迷暑天風撼撼一作晴夜露集作靜夜雨淒淒獨
憇依為舍閑行逸作蹊棟梁君莫採留著伴幽棲

小松

章孝標

瓜葉鱗條龍不盤梳風幕翠一庭寒莫言只似人長短須
作浮雲向上看

僧院小松

前人

拋杉背栢冷僧簾鎖月梳風出殿簷還似天台新雨後小
峰雲外碧尖尖

賦得聽松聲

劉得仁

庭際微風動高松韻自生聽時無物亂盡日覺神清強與
幽泉並翻嫌一作疑細雨并拂空一作雲增鶴唳過牖合琴聲
况復當秋暮偏宜在月明不知深澗底蕭瑟有誰驚

松

釋無可

枝怪幹鱗皴煙稍出澗新屈盤高極目蒼翠遠驚人待鶴
移陰過陰一作聽風落子子一作頻頻青青寒木外自與九霄隣

贈賣松人

于武陵

入市雖求利憐君意獨真
斲將寒澗樹賣與翠樓人
瘦葉幾經雪淡花應少春
長安重桃李徒染六街塵

友人亭松

悅仰不能去如逢舊友同
曾因春雪散見在華山中
何處有明月訪君聽遠風
想將歸未得各占石巖東

廣德官舍二松

喻鳧

揚公休簿領二木日堅牢
直甚彰吾節清終庇爾曹
幽陰月裏細冷樹雪中高
誰見千霄後枝飄白鶴毛

松

韓喜

類詩作澆

倚空高檻冷無塵
往事閑微夢欲分
翠色本宜霜後見
寒聲偏向類詩月中聞
啼猿想帶蒼山雨
歸鶴遙知類詩應和

紫府雲莫向東園競桃李
春光還是不容君

和李用夫栽小松

項斯

移來未換葉已勝在空一作深
山靜對心標直遙吟境助閑
影侵殘雪際聲透小窻間
即聳凌空幹脩條豈易攀

橫水館雙松

趙嘏

故園溪上雪中別野一作幽
館枕前雲畔逢
白髮漸多何自苦
清陰長在好相容
一作從迎風幾拂朝天蓋
帶月猶含度

嶺鍾更憶葛洪丹井側數株臨水欲成龍

松

鄭谷

下視垂楊拂路塵雙峰石上覆苔文濃霜一作霜濃滿逕無紅

葉晚日一作日晚高枝有白雲春砌花飄僧旋掃寒溪子落鷓

先聞那堪寂寞悲風起千樹深藏李白墳

題淨衆寺古松

崔塗

百尺森疎倚梵臺昔人誰見此初栽故園未有偏堪戀

世如閑即合來天暝豈分蒼翠色歲寒應識棟梁材清陰

可惜不駐得集作可老歸去暮城空首回

唐興寺小松

杜荀鶴

雖小天然生一作別難將衆木同侵僧半窓月向客一

興客襟風枝拂行苔鶴聲分叫砌蟲如今未堪看須是詩類

待雪霜中

小松

前人

自小刺頭深草裏而今漸覺出蓬蒿時人不識凌雲木直

待凌雲始道高

鄭轂補闕山松

張蠟

心將積雪欺根與白雲離遠寄僧猶憶高看鶴未知影交

新長葉皴匝舊生枝多小同時種深山不得移

松

許棠

何年斲到城滿國嚮高名半寺陰常匝隣芳景亦清伐多

無巧勢風定有餘聲自得天然狀非同澗底生

興善寺古松

張喬

種種近王城前朝古寺名瘦根侵地遠香吹入雲清鶴動池臺影僧禪雨雪聲看來人旋老因此嘆浮生

移小松

前人

松子落何年纖枝長水邊斫開新礪雪移出遠林煙帶月棲幽鳥蕪花灌冷泉微風動清韻閑聽罷琴眠

松

陸耽

雪霜知勁質今古占類詩作名嘉名斷砌盤根遠踈陰偃蓋清鶴棲何代色僧老四時聲鬱鬱心彌久烟高萬井生

述松

王真白

遠谷呈材幹何由入棟梁歲寒匪勝竹功績不如桑秋露

落松子春深一作雪

一作

裏嫩黃雖蒙匹者顧樵採日難防

僧院松

曹松

此木韻彌全秋宵學琴絃空知百餘尺未定幾多年古甲磨雲折孤根把一作促地堅何當拖一幹作蓋道場前

栢

庭栢

魏收

見物學記

古松圖偃蓋新栢寫鑑峰凌寒翠不奪迎暄綠更濃茹葉輕沉體咀實化衰容將使中臺麈遶山能見從

晉朝栢樹

集作法雲雙檜

温庭筠

晉朝名輩此離群想對濃陰去住分題處尚尋王內史畫時應是顧將軍長廊夜靜聲疑雨古殿秋深影勝雲一下

南臺到人世晚泉清籟更誰集作聞

桂

李矯

未植銀宮裏。寧移玉殿幽。枝生無限月。花滿自然秋。俠客
條為馬。仙人葉作舟。願君期道術。攀折可淹留。

詠桂二首

李白

園花笑芳年。池草艷春色。猶不如槿花。嬾媚玉階側。芳
芬榮何天。促零落在瞬息。豈若瓊樹枝。終歲長翕翹。

二

世人種桃李。多在金張門。攀折爭捷徑。及此春風暄。一朝
天霜下。榮耀難久存。安知南山桂。綠葉垂芳根。青陰亦可
託。何惜樹君園。

比聞龍門敬善寺有紅桂。獨秀伊川。嘗於江南

諸山訪之。莫致。陳侍御知予所好。因訪剡溪。樵

客得數株。移植郊園。衆芳色沮。乃知敬善所有

是蜀道苗草。徒得嘉名。因賦是詩。兼贈陳侍御

金陵

李德裕

昔聞紅桂樹。獨秀龍門側。越叟移數株。周人未嘗識。平生

愛此樹。攀翫無由得。君子知我心。因之為羽翼。豈煩嘉客

譽。且就清陰息。來自天姥岑。長疑翠風色。芳芬世所絕。偃

寒枝漸直。瓊葉潤不凋。珠莖粲如織。猶疑翡翠宿。想待鶴

鸞集作食。寧止暫淹留。終當更封殖。

山中桂

于武陵

日暖上山路。鳥啼知已春。忽逢幽隱樹。如見獨醒人。石冷
開常晚。風多落亦頻。樵夫應不識。歲久伐為薪。

雙桂詠

陳陶

青冥結根易傾倒。沃洲山中雙樹好。琉璃宮殿無斧聲。石
上蕭蕭伴僧老。

檜

揚州法雲寺雙檜

張祐

謝家雙植本南園集作榮樹老人亡地變更朱預鶴知深蓋

偃白眉僧見小枝生高臨月戶集作秋雲影靜入風簷集作

夜雨聲縱使集作百年為上壽綠陰終借暫時行集作

借君行

杉

郡齋移杉

韋應物

擢幹方數尺幽姿已蒼然結根西山寺來植却齋前新舍
野露氣稍靜高牕眠雖為賞心遇豈有崑中緣

桐

同詠庭中桐

吳均

龍門有奇價自言梧桐枝垂暉實掩映細葉能披離不降
周王子空將歲月移初學記作空嚴風忽交動遂使無人

知

零落桐

虞世基

零落三秋幹摧殘百尺柯空餘半心在生意漸無多

詠桐

陸季覽

搖落依空井生死尚餘心不辭先入爨惟恨少知音

桐

李嶠

孤秀嶧陽岑亭亭出單題詩作萋萋 哀林春花雜鳳影秋月弄珪

陰忽被夜風激遂逢霜雪侵單題詩作高映龍門迥 雙依玉井深 不因將入

爨誰為作鳴琴

段宥廳孤桐

王昌齡

鳳凰所宿颯月映孤桐寒稿葉零落盡空柯翠仍殘虛心

誰能見直影非無端響發調恒苦清商勞一彈

梧桐

戴叔倫

亭亭南軒外貞幹脩且直廣葉結青陰繁花連素色天

雅性不愧知音識

孤桐

雍陶

踈桐餘一幹風雨日蕭條歲晚琴材老天寒桂葉凋已悲

根半死復恐尾全焦幸在龍門下知音肯寂寥

蜀桐

李商隱

玉壘高梧拂玉繩上含霏霧下含冰枉教紫鳳無棲處斷

作秋琴彈壞雜錄作廣陵

槐

李嶠

暮律移寒火春宮長舊栽葉生馳道側花落鳳庭隈烈士

懷忠觸鴻儒訪業來何當赤墀下踈幹擬三台

庭槐

白居易

南方饒竹樹唯有青槐稀千種七八死縱活亦支離何此
郡庭下一株獨華滋蒙蒙碧烟葉嫋嫋黃花株我家渭水
土此樹蔭前墀忽向天涯見憶在故園時人生有情感遇
物牽所思樹木猶復爾况見舊親知

暹羅竹

李商隱

暹羅半取憂恐爭全熟幸在諸門不吹音昔寒仍殘虛
翅離翰一裊風兩日蕭然嵐鄰琴林未天寒卦葉風已悲

暹羅

張國倫

暹羅出不則吹音嬌

且直廣葉結青陰繁花連紫

文苑英華卷第三百二十五

詩一百七十五

花木五

竹五十二首

筵二首

竹

梁元帝

嶰谷管新抽淇園節復脩作龍還葛水為馬向并州柯亭
臨絕澗桃枝夾細流冠學芙蓉勢類作花堪威鳳游印王
若有獻張騫應拜侯

竹

劉孝先

竹生荒野外稍

類集

百尋無人重

類集

高節徒自抱

貞心耻染湘妃淚羞入

上宮琴誰能制長笛當為作

類集

龍吟

文苑英華卷第三百二十五

竹

蕭放

懷風枝轉弱防露影逾濃既來丹穴鳳還作葛陂龍

侍宴賦得夾池竹詩

陰鏗

夾池一叢竹青翠不驚寒葉醞宜城酒皮裁類詩作洽薛縣冠

湘川染別淚衡嶺拂仙壇欲見歲雜色類集作當來鬼苑

看

賦得山中翠竹

脩竹映巖隈類詩作垂乘風異夾池複澗藏高節重林隱勁枝

雲生龍未止花落鳳將移莫言棲嶰谷伶倫不復吹

賦得夾池竹

賀脩

綠竹影參差嬾始帶曲池逢秋葉不落經寒色詎移來風

韻晚逕集鳳動春枝所欣高節類聚作客來待伶倫吹

賦得臨池竹

虞世南

葱翠稍雲質垂彩映清池波泛含風影流搖防露枝龍鱗

漾嶰谷鳳翅拂漣漪欲識凌冬性唯有歲寒知

竹

高幹楚江濱蕭條含翠氣集作嬋娟白花搖鳳影青節動

龍紋葉拂集作東甬日枝梢西北雲誰知湘水上流淚獨

思君

奉和徐侍郎中書叢篠

蔣渙一作盧象

中禁夕沉沉幽篁別作林色連鷄樹近影落鳳池深為重

凌霜節能虛爽一作物新年年承雨露長對紫庭陰

此詩二百四十二卷重出今已削去注

沈十四拾遺新竹生讀經處同諸公作 王維

閑居日清靜脩竹復集作檀欒嫩節留餘籜新叢出舊攔

細枝風響亂踈影月光寒樂府裁龍笛漁家伐釣竿何如

道門裏青翠拂山壇

慈姥竹

李白

野竹鑽集作石生含煙映江島翠色落波深虛聲帶寒早

龍吟曾未聽鳳曲吹應好不學蒲柳凋貞心常自保

同郭參謀題崧令公廳前竹

劉長卿

不學媚清瀾能依上將壇蒙龍低冕過青翠捲簾看得地

移根遠經霜抱節難開花成鳳實嫩笋長魚竿蕭蕭軍容

蕭蕭郡宇寬細音和角暮踈影上門寒阮巷何人在

園幾樹殘空餘軒屏側歲晚伴任安

晚春歸山居題窓前竹

劉長卿

溪上殘春黃鳥稀辛夷花盡杏花飛始憐幽竹山窓下不

改清陰待我歸

寒竹

釋皎然

裏裏孤生竹獨立山中雪蒼翠搖勁風嬋娟帶寒月狂花

不相似還共凌冬發

竹一字至七字

張南史

竹竹披山連谷出東南殊草木葉細枝勁霜停露宿成林

處處雲抽笋年年玉天風乍起爭韻池水相涵更綠却尋

度信小園中閑對數竿心自足

竹

戴叔倫

卷籜正離披新枝復蒙密脩脩月下聞裊裊林際出豈爲
對芳菲終年色如一

竹

朱放

青林

一作竹

何森然沉沉獨曙前出墻同浙瀝開戶蒲蟬始

籜卷初呈粉苔侵亂上錢踈中思水過深處若山連疊夜

常栖露

疑作鷺

清朝乍有蟬砌陰迎綏策簷翠對歌眠迸笋

雙分箭繁稍一向偏月過驚散雪風動極聞泉幽谷添詩

譜高人欲製簫蕭蕭意何恨不獨住湘川

池上竹

楊巨源

一叢蟬娟色四面清冷波氣潤晚煙重光閑秋露多翠

入踈柳清影拂圓荷歲晏琅玕實心期有鳳過

和令狐舍人酬峯上人題山欄孤竹前

滿院冰姿粉籜殘一莖青翠近簾端離叢自欲親香火抱

節何妨共歲寒能讓繁聲任真籟解將孤影對芳蘭范雲

許訪西林寺枝葉須和彩鳳看

庭竹

劉禹錫

露滌鉛粉節風搖青玉枝依依似君子無地不相宜

郡齋左偏栽竹百餘竿炎涼已周青翠不改而爲

墻垣所蔽有乖愛賞假

一作暇

日命去齋居之東

墻由是俯臨軒階低映帷戶日夕相對頗有脩

然之趣

令狐楚

齋居栽竹北窓邊素壁新開映

一作見

碧鮮青藹近當行樂

處綠陰深到卧帷前風驚曉葉如聞雨月過春枝似帶煙

老子憶山心暫緩退公閑坐對嬋娟

和宣武令狐相公郡齋對新竹

劉禹錫

新竹脩脩韻曉風隔窓依砌尚朦朧數間素壁初開後一

片清光入座中欹枕閑看知自適含毫朗詠與誰同此君

若欲長相見政事堂東有舊叢

和汴州令狐相公新於郡內栽竹百竿折壁開軒

旦夕對翫偶題七言五韻

白居易

梁園脩竹舊傳名園

集作父

廢年深已

集作竹

不生千畝荒

集作尋

未得百竿青翠種新成墻開乍見重添興窓靜

聞別有情煙葉蒙籠侵夜色風枝蕭索

集作颺

欲秋聲更登

樓望尤堪重千萬人家無一莖

汴州人家並無竹

題盧秘書夏日新栽竹

前人

湘竹初封植盧生此考繁久持霜節苦新託露根難等度

雖當戶

集作須當砌

踈稠要滿欄買憐分薄俸栽稱作閑官葉

剪藍羅碎莖抽玉瑄端幾聲清浙瀝一簇綠檀欒未夜青

嵐入先秋白露溥

集作團

拂樓

集作肩

搖翡翠熨手弄琅玕韻

遶

集作透

窓風起陰鋪砌月殘炎天聞覺冷窄地見疑寬稍

動勝搖扇枝低好挂冠碧籠煙幕幕珠灑雨珊珊曉籟晴

雲辰陰牙蟄虺蟠愛從抽馬策惜未截漁竿松韻徒頻

集作

煩聽桃夭不足觀梁慙當家杏臺陋本司蘭古詩云盧家蘭室杏為梁

又祕書府即蘭臺撐撥詩人興勾牽酒客歡靜連蘆簟滑涼拂蒼

衣單豈止銷時暑應能保歲寒莫同凡草木一種夏中看

和東川李相公慈竹十二韻 元稹

慈竹不外長密比青瑤華矛攢有森束玉立無蹉跎纖粉

妍膩質細瓊交翠柯亭亭霄漢近靄靄雨露多冰碧寒夜

登蕭韶風晝羅煙涵隴隴影月泛鱗鱗波鸞鳳一已顧鸞

雀永不過幽姿媚庭實顥氣陵集作爽天涯峻節高轉露貞

筠寒更佳託身仙壇上靈物神所呵集作何時與天籟合音

日聞陽春歌應憐孤生者摧折成沉集作病又作疴

郵竹 前人

庭有蕭蕭竹門有田田騎囂靜本殊途因依偶同寄亭

乍干雲裊裊亦垂地人無集作有異我心我無異人意

南庭竹 李紳

東南舊美陵霜操五月凝陰入座寒煙惹翠稍含玉露粉

開春籜聳琅玕莫令戲馬童兒見試引為龍道士看須信

結根香實在鳳皇終擬下雲端

題鄭常侍廳前竹 賈島

綠竹臨詩酒嬋娟思不窮亂枝低積雪繁葉亞寒風蕭颯

疑泉過榮迺有逕通侵庭根出土隔壁笋成叢踈影紗窓

外清音寶瑟中卷簾終日看歌枕幾秋同萬頃歌王子千

竿伴阮公露光憐片片雨潤愛濛濛嶰谷蠻湖北湘川灞

水東何如軒檻側蒼翠裏長空

隣人自金仙觀移竹

李遠

新居移竹已堪看
斫破莓苔得幾年
圓節不教傷玉粉
低枝猶擬拂霜壇
墻頭引動如烟綠
枕上風來送夜寒
第一莫教漁父問
且從蕭颯蒲朱攔

昊天觀新栽竹

劉得仁

清風枝葉上山鳥已栖來
根別古溝岸影生秋觀
苔遍思諸草木唯此出塵埃
恨為移君晚空庭更擬栽

酬人雨後翫竹

薛濤

南天春雨時那鑒雪霜姿
衆類亦云茂虚心寧自持
多晉晉賢醉早伴舜妃悲
歲後君能賞蒼蒼勁節奇

題諸塘館竹集作秋口口白沙館對竹

許渾

蕭蕭陵雪霜濃翠具三湘
踈影月移壁寒聲風滿堂
卷簾秋更早高枕夜偏長
忽憶南遊溪路萬竿今正涼

題新竹

方干

青苔斫破植貞堅細碧竿排鬱
眼鮮小鳳凰聲吹嫩葉短
蛟龍尾裏輕煙節環膩色端勻
粉根拔秋光暗長鞭恠得入門
肌骨冷綴風粘月滿庭前

越州使院竹

前人

莫見陵風飄粉籜須知礙石作盤根
細看節集作枝上蟬吟處猶是笋時蟲
蝕痕月送綠陰斜上砌露含集作疑寒色濕
遮門列仙終日逍遙地鳥雀潛來不敢喧

碧鮮亭春題竹

薛能

竹少竹更重碧鮮疆一作更名有欄常凭立無徑獨穿行
夕月陰何亂春風葉盡輕已聞圖畫客兼寫薛先生

竹逕

前人

盤逕入依依旋驚幽鳥飛尋多苔色古踏碎籜聲微
鞭節橫妨戶枝稍一作動拂衣前溪聞到處應接釣魚磯

新竹

前人

柳營茹土倦麤材因向山家乞翠栽清露便從終夜滴好
風疑自一作是故園來欄邊匠去朱猶濕培後蟲浮穴暗關
他日會應威鳳至莫辭公府受塵埃

竹

鄭谷

宜煙一作雪一作集一作又宜風拂水藏村復間松移得蕭騷從
寺洗來踈淨見前峯幽堦鮮坼春芽迸繞徑莎微夏蔭濃
無賴杏花多意緒數枝穿翠好相容

題僧院紫竹

陳陶

喜遊蛟井寺復見炎州竹杳靄萬丈間嘯風清獨速江南
正霜散吐秀弄顛頊似瑞驚堅貞如魔試金粟笋非孝子
泣文異湘靈哭金碧誰與隣蕭森自成族新聞赤帝種子
落毛人谷遠祖賜鷓鴣遺芳遍南陸對煙蘇麻醜夾澗簣
當伏羨譽動丹青瓌姿豔秦蜀因緣鹿苑識想像虵丘斷
幾葉別黃茅何年依白足龍樹蟄一花砌瑤掃雲屋色靜
曼仙花名高給孤獨青葱太子樹灑落觀音日法雨每沾

濡玉毫時照燭離居鸞節變住冷金顏縮豈念葛屨榮幸
無祖父一作欠辱光搖水精串影送蓮花軸江霧日相尋野
鷄時寄宿幽香入茶竈靜翠直碁局肯羨垣上蒿自多籬
下菊從來道生一况伴龜藏六棧託詎星迴檀欒已雲轟
霞杯傳縹葉羽管吹紫玉久絕釣竿歌聊裁竹枝曲媿生
黃金地千秋為師綠

竹五首

前人

不厭東溪碧玉君天壇雙鳳有時聞一峯曉似朝仙處青
節森森寄絳雲

二

萬枝朝露學瀟湘杳靄孤亭白石涼誰道垂龍不行兩春
宵入地馬鞭狂

三

蕭入新篁一里行萬竿如甕鑲龍泓驚巢翡翠無尋處閑
倚雲根刻姓名

四

青嵐箒疑亞思吾祖綠潤偏多憶蔡邕長聽南園風雨夜
恐生鱗甲盡為龍

五

迸玉閑抽上釣磯翠笛番次脫霞衣山童泥乞青驄馬騎
過青春一作春泉製疑手飛

竹

韓旣

綠色連雲萬葉開王孫類詩作王家不賦蒲庭栽陵霜盡節無

人見終日虚心待鳳來誰許風流添興詠自憐瀟洒出塵

埃朱門處處多閑地正好移陰覆類詩作結翠苔

竹
羅鄴

翠葉纔分細細枝清陰猶未上堦墀蕙蘭雖許相依日桃

李還應笑後時抱節不為霜類詩作雪改成林終與鳳凰期

渭濱若更徵賢相好作漁竿繫釣絲

竹
崔涯

領得溪風不放迴傍窻綠砌遍庭栽須招野客為隣住看

引山禽入郭來幽院獨驚秋氣早小門深向綠陰開誰

翠色兼寒影靜落茶甌與酒杯

新栽竹
杜荀鶴

斫破莓集作蒼苔地一作色因栽十數莖窻風從此冷詩思當

時清酒入盃中影碁添局上聲不同桃與李蕭灑伴書生

新竹
張蠩

新鞭暗入庭初長兩三莖集作一莖不是他山少無如此地

生垂稍叢上出柔葉籜間成何用高唐峽風枝掃月明

竹
羅隱

籬外清陰接藥欄曉風交戛碧琅玕子猷歿後知音少粉

節霜筠漫歲寒

江南竹
許晝

江南蕭灑地本自與君宜固節還同我虚心欲待誰澗泉

傍借響山木共含滋粉膩蟲難篆叢疎鳥易窺盡應逢野
渡中忽見村祠葉掃秋空靜根橫古壑危影迷寒靄裏聲
出夜風時客棹深深過人家遠遠移遊邊曾結念到此數
題詩莫恨成龍晚成龍會有期

竹

秦韜玉

削玉森森幽思深

一作清

阮家高興尚分明卷簾陰薄漏山

色欹枕韻寒宜雨聲

宜類詩作疑

斜對酒缸偏覺好靜籠碁局

最多情

類詩作舒情

却驚九陌輪蹄外獨有溪煙數十莖

筍

籬筍

李頎

東園長新筍映石復穿籬逆出依青嶂攢生伴綠池密

因林向背行逐地高卑但恐春將老青青獨爾為

花木 筍

白居易

此州有

集作乃

竹鄉春筍蒲山谷山翁

集作夫

折盈把

集作將

來入

集作抱來早

市鬻物以多為賤雙錢易一束將歸安

集作置之

斲中與飯同時熟班殼折

集作紫

故錦素肌擘新玉只

此一蔬食

集作每日遂加食

經旬

集作時

不思肉又為京洛客此味

常無

集作不足

且速

集作

食勿踟躕南風吹作竹

樹木二十一首

藤四首

櫻桃

王康資朱櫻

夜風特客棹深深過人家
遠移遊邊會結念對
題詩莫恨成龍晚成龍會有期

常無其不良其且食其南風如其

此一蔬其豈其不思肉其為京客客此和

贈中興其同其燕其并其姑其素其學其王其只

來人其市其鬻其以其為其類其雙其是其一束其并其融其交其

北其山其徐其夫其并其盛其并其并其

因林向背其受其此高單其耳其以其春其并其芳其青其齒其爾其海其
白岳其

苑英華卷第三百二十六
詩一百七十六

花木六附果實

櫻桃十首
井橘十首

桃李六首
梨三首

石榴二首
棗栗二首

柰一首
梅一首

荔枝三首
雜果實五首

樹木二十一首
藤四首

櫻桃

奉答南平王康賚朱櫻
梁簡文帝

倒派映碧叢照類聚露擊朱實花茂蝶爭飛類聚枝濃鳥

相失已麗金釵瓜仍美玉盤摘寧異梅似丸不羨萍如日
承植平臺垂長與雲桂蜜徒然奉推并終似初學記愧操
筆

賦得櫻桃春字韻

唐太宗

華林滿芳景洛陽偏宜

初學記作偏陽

春朱顏含遠日翠色影長

津喬柯轉嬌鳥低枝映美人昔作園中實今來席上珍

勅賜百官櫻桃

王維

芙蓉闕下會千官紫禁朱櫻出上蘭綉是寢園春薦後

關御苑鳥銜殘歸鞍競帶青絲籠中使頻傾赤玉盤飽食

不須憂

集作愁

內熱太官還有柘

集作蔗

梨寒

和前

崔興宗

附見

秦吳朝謁正逶迤天上櫻桃錫此時朱實初傳九華殿

不舊雜萬年枝全勝晏子江南橘莫比潘家大谷梨聞道

令人如顏色神農本草自應知

和詠麻署有櫻桃

孫逖

上林天禁裏芳樹有紅櫻江國今來見君門春意生香從

花綬轉色繞珮珠明海鳥銜初實吳姬掃落英切將稀取

貴羞與衆同榮為此堪攀折芳蹊處處成

酬裴傑秀才新櫻

權德輿

新果真瓊液來應宴紫蘭圓疑竊龍頷色已奪鷄冠遠火

微微辨殘星隱隱看茂先知味易

好

曼倩恨偷難忍用

烹駢酪從將玩玉盤流年如可駐何必九華丹

朝日勅賜百官櫻桃

張籍

仙果人間都未有見朝忽見下天門捧盤小吏初宣勅當
殿群臣共拜恩日色遙分廊下座露香纔出禁中園每年

重此長

集作

先熟願得千春奉至尊

和張員外

集作

勅賜百官櫻桃

韓愈

漢家舊種明光殿炎帝還書本草經豈似滿朝承雨露共
看傳賜出青冥香隨翠籠擎初到

集作

色照銀盤馮未

食罷自知無所報空然慙汗仰皇荷

與沈楊二舍人閣老同食勅賜櫻桃翫物感恩

十四韻

白居易

清曉趨丹禁紅櫻降紫宸驅禽養得熟和葉摘來新

盤傾玉鮮明籠透銀肉園題兩字西掖賜三臣熒惑

赤醜醜氣味真如珠未穿孔似火不燒人杏俗難為對桃

頑詎可倫肉嫌蘆搗厚皮笑荔枝紋瓊液酸甜足金丸大

小勻偷瀆防曼倩惜莫擲安仁手擘繞離核匙抄半是津

茸為舌上露暖作腹中春已懼長尸祿仍驚數食珍最慙

恩未報飽餵不才身

自有扈至京師已後朱櫻之期 温庭筠

露圓霞赤數千枝銀籠誰家寄所司秦苑飛禽諳熟早杜

陵遊客恨來遲空看翠幄成陰日不見紅珠滿樹時盡日

徘徊濃影一作下祗應重作釣魚期

其橘

詠井子

徐陵

朱實挺江南苞品擅珍淑上林雜嘉樹江潭間修竹萬室
擬封家千株挺疑荆國綠葉萋以布素榮芬且郁得陳終
宴歡良垂雲雨育

園橘

范雲

芳條結寒翠圓實變霜朱徒根楚洲上來覆廣庭隅

同前

沈約

綠葉迎露滋朱苞待霜潤但令入玉梓金依非所恡

橘樹

李元操

嘉樹出巫陰分根徙上林白花如霰雪朱實似懸金布影
臨丹地飛香度玉岑自有陵參質能守歲寒心

橘

李嶠

萬里盤根植千株布葉繁既榮潘子賦方重陸生言玉藟
含霜動金衣逐吹翻願辭湘水曲長茂上林園

病橘

杜甫

伊集作橘少生意雖多亦奚為惜哉結實小集作酸澁如

棠梨剖之盡蠹蝕集作採掇爽所宜紛然不適口豈止存

其皮蕭蕭半死葉忽忽集作未忍別故枝玄冬霜雪積况乃迴

風吹嘗聞蓬萊殿羅列瀟湘姿此物歲不稔玉食失光輝

寇盜尚憑陵當君減膳時汝病是天意吾意罪有司憶昔

南海使崩集作騰馱荔枝林百馬死山谷到今耆舊悲

揀貢橘書情

白居易

洞庭貢橘揀宜精太守勤王請自行珠顆形容隨日長瓊
漿氣味得霜成登山敢惜駑駘力望闕難申屢蟻情疎感
無由親跪獻願憑朱實表丹誠

奉和揀貢橘

周元範

離離朱實綠叢中似火燒山處處紅影下寒林沉綠水
火
搖高樹照晴空銀章自竭人臣力一作王液誰知造化功
看取明朝船發後餘香猶尚逐仁風

同前

張彤

陵霜遠涉太湖深雙卷朱旗望橘林樹樹籠煙疑帶火山
山照日似懸金行看採掇方盈手暗覺馨香已滿襟揀選
封題皆盡力無人不感近臣心

橘園

李紳

江城霧歛輕霜草園橘千株欲變金朱實摘時天路近素
英飄處海雲深懼同枳棘愁遷徙每抱馨香委照臨憐爾
結根宜一作能自保不隨寒暑換貞心

桃李

桃

李嶠

獨有成蹊處紅桃集作穠華發井傍含風如集作山笑臉裛露
似集作帝粧隱士顏應改仙人路漸長還欣上林苑千歲
奉君王

玄都觀桃

蔣防

舊傳天上千年熟今日人間五日香紅軟滿枝須作意莫

交方朔施偷將

麥李

沈約

青玉冠西海碧石彌外區化為中園實其下成路衢在先
良足貴因小邈難逾色潤方陵縹味奪寒水朱摘持欲以
獻尚食且踟躕

答元金紫餉朱李

王筠

穠初學記華春發彩結實不成蹊潘生詠金谷魏后沈寒
作李溪逢君重妖麗移翫入崇閨慙無瓊玖報徒用萃幽棲

賦得李

唐太宗

王衡流桂圃成蹊正可尋鸞啼密葉外蝶戲脆花心麗景
光朝彩輕煙散夕陰暫顧暉章側還眺靈山林

同前

李嶠

芳閑若暇一作王戎戲陌辰蝶遊芳徑馥鶯囀令一作
枝新葉暗青房晚花明玉井春方知有靈幹持一作用表
真人一作皆單題詩

梨

沈約

應詔詠梨
大谷來既重岷山道又難摧折非所恠但令入玉盤

梨

後梁皇帝

大谷常流稱南荒本足珍綠葉已承露紫實復含津

同前

李嶠

檀羨玄光側傳芳澣海中鳳文踈象郡花影麗新豐豈春暮

條應紫秋來葉早紅集作色封瑶池若令逢漢主還冀識

張公

石榴

石榴

梁元帝

塗林未應發春暮轉相催然燈疑夜火連珠勝早梅西域
移根至南方釀酒來葉翠如新剪花紅似故栽還憶何陽
縣映水珊瑚開

以下五篇並見初學記

同前

魏彥深

分根金谷裏移植廣庭中新枝含淺綠晚萼散輕紅影入
環階水香隨度隙風路遠無由寄徒然初學記春闈空

棗栗

棗

梁簡文帝

浮華齊水麗垂彩鄭都奇白英紛靡靡紫實標離離風搖
弄角樹日映鷄心枝穀城踰石蜜蓬岳表仙儀已聞安邑
美求茂玉門垂

詠栗雜言

陸玠

貨見珍於有漢本取貴於隆周葉肇萌於朱夏實方落於
素秋委玉盤雜徽精將象腐初學記糝珍羞

柰

柰

褚湛

成都貴素質酒泉稱白麗紅紫奪夏藻芬芳掩春蕙映日
昭新芳叢林抽晚蒂誰為重初學記三株終焉競八桂不

讓園立中繁繁華庭際

梅

李嶠

大庾劔寒光南枝獨早芳雪含朝暝集作紫花色風引去來集

上林單題香舞袖集作粧面迴青徑歌塵起畫梁若能遙止渴

何假泛瓊漿

荔枝

鄭谷

平昔誰相愛驪山遇貴妃在集作岳教生處遠愁見摘來稀

曉集作晚奪紅霞色晴欺瘴日威南荒何所戀為爾即忘歸

荔枝樹

前人

二京曾見畫圖中數本芳菲色不同孤棹今來巴徼外一

枝煙雨思無窮夜郎城近含春瘴杜宇巢低起暝風揚

霜霰薄不教葉似灑陵紅

南海陪鄭司空遊荔園

曹公

荔枝時節出旌旂南國名園盡興遊亂結羅紋照襟袖別

含瓊露爽咽喉葉中新火欺寒食樹上丹砂勝錦州他日

為霖不將去也須圖畫取風流

雜果實

野園獻果呈員外

楊巨源

西園果初熟上客心逾愜疑粉乍辭枝飄紅仍帶葉幽姿

寫瓊實殷彩呈粧頰持此贈佳期清芬羅袖裛

誅红柿子

劉禹錫

曉連星影出晚帶日光懸本因遺採摘集作掇翻自保天年

菱

李嶠

鉅野韶光暮東平春溜通影搖江浦月香引棹歌風日色
翻池上潭花發鏡中五湖多賞樂千里望難窮

瓜

前人

欲識東陵味青門五色瓜龍蹄遠珠履女臂動金花六子
方呈瑞三仙實可嘉終期奉締絲謁帝佇非賒

秋日吳中觀共藕

趙嘏

野艇幾西東清冷映碧空寒衣來水上捧玉出泥中葉亂
田田綠蓮餘片片紅激波纔入選就日已生風御紫珍
膳人懷拔擢功梯山謾多品不與世流同

樹木

詠樹

庾信

交柯將一作百頃擢本或千尋楓子留為式桐孫待作琴
殘核移桃種空花植棗林幽居對蒙蜜蹊徑轉深沉

庭前枯樹

孫萬壽

當時金谷裏昔日平陵東布葉俱承露開花共待風搖落
一如此容華遂不同庭前生意盡井上蠹心空匠者無勞
顧擁腫難為功

長信宮樹

喬知之

婀娜當軒樹華胥一作倚蘭殿葉映九春華香搖五明扇
餘花鳥哢盡新葉蟲蠹一作遍零落親一作自知芬芬君
不見

河邊枯樹

劉琰

奇樹臨芳渚半死若龍門疾風摧勁葉沙岸毀盤根將軍
猶未坐匠石不曾論無復陵雲契空餘激浪痕可嗟摧折
盡詎得上河源

登思禪寺上方經脩竹茂林

劉長卿

上方幽且暮臺殿隱朦朧集作遠磬秋山裏清猿古木中
衆溪連竹路諸嶺共松風儻許棲林下其成白首翁

同李郎淨律師院槐子樹

包何

南國佳人去不迴洛陽才子更須媒綺琴白雪無情棄羅
幌清風到曉開冉冉脩篁依戶牖迢迢列宿映樓臺縱令
奔月成仙去且作行雲入夢來

古樹

張籍

古樹枝柯少枯來復幾春露根堪繫馬空腹定藏人蠹節
莓苔老燒痕霹靂新若當江浦上行客祭為神

石楠樹木

白居易

可憐顏色好陰涼葉剪紅殘花撲霜傘蓋低垂金翡翠薰
籠亂搭繡衣裳春芽細炷干燈焰夏葉濃焚百和香見說
上林無此樹只教桃柳占年芳

移家別樹

戎昱

千種庭前樹人移樹不移看花愁作別不及未栽時

種樹

于鵠

一樹新栽益四隣野夫如到舊山春樹成多是人先老垂

白看他攀折人

漢陰亭樹

趙嘏

碧樹如煙覆晚波
清秋欲盡客重過
家園亦有如煙樹
鴈不來風雨多

路傍樹

馬戴

古樹何人種
清陰減昔時
莓苔根半路
風雨一作雪節偏危
蟲蠹心將穴
蟬催葉向衰
樵童不須剪
聊起邵公思

山中古木

盧綸

高林已蕭索
夜雨復秋風
墜葉鳴荒竹
斜根擁斷集作蓬
半侵山色集作影
裏長在水聲中
此地何人到
雲間去未通

石橋琪樹

蔡隱石

山上天將近
人間路漸遙
誰當雲裏見
知欲渡仙橋

佳人故居琪樹

集作桂州經
佳人故居

李羣玉

種樹人何在
攀枝空嘆嗟
人無重見日
樹有每年花
舊院雀集作院
聲暮半庭春色集作影
斜東風不知恨
滿地落餘霞

重題端正樹

溫庭筠

路傍佳樹碧
雲愁曾侍金輿幸
驛樓草木榮枯似
人事綠陰寂寞漢陵秋

重題端正樹今英

華題望苑驛已入二百九十八卷而此篇端正樹却

誤以望苑驛詩充之今用集本釐正

石楠樹

胡汾

本自清溪石上生移栽此處地稱閑情青雲事盡識珍
木白屋人多喚俗名重布綠陰滋蘚色深藏好鳥引鷓聲
余今一日千迴看每度看來眼益明

臨江樹

魚玄機

草色連荒岸煙波入遠樓葉鋪江水面花落釣人頭根老
藏龍窟枝低繫客舟蕭蕭風雨夜驚夢復添愁

焦桐樹

陳標

江上烹魚採野樵鸞枝摧折半曾燒未經良匠材雖散待
得知音尾巴焦若使琢磨微白玉便來風律軫青瑤還能
萬里傳山水三峽泉聲豈寂寥

興善寺具多樹

張喬

雙利直寒出四牆遙帶月啼春鳥連空噪
雙利直寒出四牆遙帶月啼春鳥連空噪
井高頂起涼颼影動懸燈夜聲繁過雨朝靜遲松桂老堅
任雪霜凋未共終南在應隨劫火燒

雙槿樹

張文姬

綠影競扶疎紅姿相照灼不覺桃李亂一作更向春
風落一作亂

藤

詠藤

李嶠

吐葉依松磴野苗長石臺神農嘗藥罷質子寄書來色映
蒲萄架花分竹葉杯金隄不見識玉潤幾重開

石上藤

岑參 見集本

石上生孤藤，弱蔓依石長。不逢高枝引，未得陵空上。何處
可堪托，一作堪托身為君長萬丈。

潭上紫藤

李德裕

故鄉春欲盡，一歲芳難再。巖樹已青葱，吾廬日堪愛。幽溪
人未去，芳草行應礙。遙憶紫藤垂，繁英照潭黛。

和友人許裳題宣平里古藤

張蠙 見集本

欲結千年茂，生來便近松。迸根通井潤，交葉覆庭穠。歷代
頻更主，盤空漸變龍。晝風圓影亂，宵雨細聲重。蓋密勝丹
桂，層危類遠峯。嫩條懸野鼠，枯節叫秋蛩。翠老霜難蝕，
多鮮乍封。幾家遙共翫，何寺不堪容。客對忘離榻，僧看

過鍾頂因陪預作終夕遶枝筇

花木七首

藥五首

蘭九首

衆草九首

蘆葦四首

枸杞二首

雜詠七首

雜詠七首

雜詠七首

雜詠七首

故鄉春欲盡一歲芳難再巖樹已青葱吾廬日堪愛幽
人未去芳草行應礙遥憶紫藤垂繁英照潭魚

和友人許裳題宜平里古菴

張嶺本

欲結千年茂生來便近松迸根通井潤交葉覆庭檜歷代
頌更主盤空漸變龍書風颯影亂倚雨細聲重益添勝
桂層危類遠峯嫩條對鼠枯節外秋蛩翠老霜難削
巖輪車因部斷并絲又表楚在堪容客對忘離楊僧看

文苑英華卷第三百二十七

詩一百七十一

花木七首

附 楊葉 柳花 鴨脚 白棠 聖果 不郎 梨

藥五首

茶二首

蘭九首

萱三首

衆草九首

苔三首

蘆葦四首

萍三首

枸杞二首

雜詠七首

木葉十首

藥

採藥大布山

吳筠

我本此一作北山北綠澗採山麻九莖日反照三葉長生花

可以蠲憂疾聊持駐景斜景斜不可駐年來果如驅安得
崑崙山偃蹇樹三株三株樹始一作荻絳葉陵朱臺玉壺
白鳳肺金鼎青龍胎韓衆及王子何代無仙才安期儻欲
顧相見在蓬萊

一作皆藝文類聚

採石上菖蒲

江淹

瑤琴久蕪沒金鏡廢不看不見空閨裏縱橫愁思端緩去

遵行波

一作

楊棧汎春澗竇赤煙流綺水綠滔輕

一作

憑酒意未悅半景方自歎每為憂見集杜若詎能寬巽
石上草得以駐衰顏赤鯉儻可乘雲霧不復還

一作皆藝文類聚

採藥

王績

野情貪藥餌郊居倦蓬華青龍復集作道符白犬遊山迷

集作要鍊戊巳月集作負鍾庚集作辛日時時斷障遮集

集作徃徃孤峯出行披荷仙注坐驗農皇帙集作坐檢龜蛇

採二苓赤白尋雙木地凍根難盡藁枯苗易失從容肉作

名署預膏成質家豐松葉酒蕉集作貯參花蜜且復歸去

來刀圭集作衰疾

春泉洗藥

宋之問

今日遊何處春泉洗藥歸悠然紫芝曲晝掩白雲扉魚樂

偏尋藻人間音屢採薇此中無俗事身世兩相違

藥

有嘉疑 秘神仙君臣有禮焉忻當苦口喻不晨疑 入腸備
扁鵲功成日神農定器然疑 丹成如可待鷄犬自聞天

茶

喜園中茶生

常應物

潔性不可汗為飲滌塵煩此物信靈味本自出山原聊因
理郡餘率爾植荒園嘉集作 隨衆草長得與幽人言

峽中嘗茶

鄭谷

簇簇新英摘露光小江園裏火前嘗吳僧謾說鴉山好眉
叟休誇烏身作 紫香入身作 座半甌輕泛綠開緘數片
含黃鹿門病客不歸去酒渴更知春味長

蘭

賦得蘭澤多芳草

梁孝元帝

春蘭本無艷春澤最歲蕤燕姬得夢罷尚書奏事歸臨池
影入浪從風香拂衣當門已芬馥入室更初學記 芳菲蘭
生不擇逕十步豈難稀以下四篇並見初學記

蘭

後梁宣帝

折莖聊可佩入室自成芳開花不競節含秀委微霜

賦新題得蘭生野逕

張正見

披襟出蘭畹命酌動幽心鋤罷還開路歌誼自動琴華燈
共影落芳杜雜花深莫言閑逕裏遂不斷黃金

芳蘭

唐太宗

春暉開禁初學 苑淑景媚蘭場映庭含淺色凝露泫浮光

日麗參差影風傳初學記輕重香會須君子折佩裏作芬

芳

園中時蔬盡加鋤理唯秋蘭數本萎集作而不顧

彼雖二物有足悲者遂賦二章張九齡

楊蘿已成歲園葵亦向陽蘭時獨不遇集作露節漸無芳

旨異青為蓄其非蔗有漿人多利一飽誰復惜馨香

二

幸得不鋤去孤苗守舊根無心羨旨蓄豈欲近名園遇賞

寧充佩為生莫礙門幽林芳意在非是為人論

蘭和

釋無可

蘭色結春光氛氲掩衆芳閉門階覆葉尋澤逕連香晚

亂亭秋雨引長靈均曾塞楨紉珮桂荷裳

余昔自西濱得蘭數本移勢於庭亦既逾歲而茂

然蕃殖自余遊者未始以芳草為遇矣因悲夫

物有默常而返不若混然者有之焉遂寄情於

此温庭筠

寓賞本殊致意幽非我情吾常疑有流疑淺外物無重輕

各言藝幽深彼美香素莖豈為賞者設自保孤根生易地

無赤株麗土亦同榮賞際林壑近泛餘煙露清余懷既鬱

陶爾類徒縱橫妍蚩苟不信寵辱何為驚真隱諒無迹激

時猶簡集作名幽叢靄綠晚豈必懷歸耕

種蘭

陳陶

種蘭幽谷底四遠聞馨香春風長養深枝葉趁人長智水
潤其根仁鋤護其芳蒿藜不生地惡鳥弓已藏椒桂夾四
隅茅茨居其中一作央左隣桃花塢右接蓮子塘一月薰手
足兩月薰衣裳三月薰肌骨四月薰心腸幽人饑如何採
蘭充餼糧幽人渴如何醞蘭為酒漿地無青苗租白日如
散王疑不嘗仙人藥端坐紅霞房日夕望美人佩花正
煌美人久不來佩花徒生光劉穫及歲蕤無令見雪霜清
芬信神鬼一葉豈可忘舉頭愧青天鼓腹詠時康下有賢
公卿上有聖明王無階答風雨願獻蘭一筐

萱

萱草

楊休之

幽澗底散彩曲堂垂優柔清露濕微穆惠風吹朝
含麗景夜夜對花池

詠階前萱草

魏彥深

綠草正含芳
羸靡映前堂
帶心花欲發
依籠葉已長
雲度時無影
風來乍有香
橫得忘憂號
余憂遂不忘

萱草

李嶠

履一作步尋芳草一作忘憂自結叢
葉舒春夏綠花吐淺

深空一作黃英開
養色湛仙人露香傳
少女風含貞一作還依

北堂下曹植動文雄一作皆單題詩

眾草

除草

杜甫

草有害於人曾何生阻修其毒甚蜂蠆其多彌道周清晨

步前林江色未散憂芒刺在我眼焉能待高秋霜露集作雪

一霑衣集作疑蕙葉亦難留荷鋤先童稚日入仍討求轉致

水中央豈無雙釣舟頑根易滋蔓敢使依舊血自移集作茲

藩籬曠更覺松竹幽芟夷不可闕疾惡信如讎

樹中草

李白

鳥銜野田草誤入枯桑裏客土植危根逢春猶不死草木

雖有情因依尚可生如何同枝葉各自有枯榮

春草謠

顧况

春草不解行隨人上空城正月二月色綿綿千里萬里

人情

草 張南史

草草折宜看好蒲地生催人老金殿玉砌荒城古道青青

千里遙悵悵三春早每逢南北離別乍逐東西傾倒一身

本是山中人聊與王孫慰懷抱

庭草

曹鄴

庭草根自淺造化無遺功低迴一寸心不敢怨春風

賦得池塘生春草

陳潤

謝公遺詠處池水夾通津古往人何在年來草自春色宜

波際綠香愛雨中新今日青青意空悲行路人

曲江春草

鄭谷

花落江堤簇暖煙雨餘江山集作色遠相連香輪莫輟青青

破留與愁人一醉眠

芳草二首

羅鄴

廢苑墻南淺雨中似袍顏色正蒙茸微香暗惹行人步遠
綠纔分闢雉蹤三楚溪頭長恨見五侯門外却難逢年年
縱有春風便馬足車輪一萬重

二

芳草和煙暖更青閑門要路一時生年年點檢人間事唯
有春風不世情

苔

詠青苔

沈約

見初學記

綠階已漠漠洗水復綿綿微根如欲斷輕絲似更聯長

隱細草深堂沒綺錢榮鬱無人贈歲華徒可憐

同舍弟佶班常二員外秋苔對之成詠 包何

每看苔蘚色如何簿書閑幽思纏芳樹高情寄遠山雨痕
連地綠日映出林班却笑興公賦臨危滑石間

苔錢

鄭谷

春青秋紫遶池臺箇箇圓如濟世財雨後無端滿窮巷買
花不得買愁來

蘆葦

友人池上詠蘆

曹松

秋聲昌種得蕭瑟在池攔葉澁栖蟬穩叢踈宿鷺難欽煙
宜疑下颯吹省先寒此物生蒼島令人憶釣竿

蘆葦

王真白

高士想江湖湖閑疑庭植蘆清風時有至綠竹與何殊嫩

喜日光薄疎憂雨點麤驚蛙跳得過鬪雀最如無未識已

籬護幾臺疑叩竹扶惹煙輕弱柳蘸水漱清蒲漑灌情偏

重琴樽賞不辜穿花思釣叟吹葉少羌雛寒色暮天映秋

聲遠籟俱朗吟應有趣蕭洒十餘株

叢葦

張蠙

叢類詩叢寒水邊曾折掃魚船類詩忽與亭臺近翻嫌島

嶼偏花明無月夜聲急正秋天遙憶巴陵渡殘陽一望煙

使院栽葦

薛能

長蔓復差差一叢千萬枝務如僧住處栽得吏閑時笋自

出根從府外移從軍無宿例空想夜風吹

萍

賦得池萍

庾肩吾

風翻乍青紫浪起時疎密本欲歎無根還驚能有實

萍

吳均一作南齊劉繪

可憐池裏一作內萍益益草盛貌一作氣氤紫復青工一作巧隨浪開

合能逐水低平微根無所綴細葉詎須莖飄蕩一作泊終難

測流連如有情

同前

李嶠

二月虹初見三清單題詩蟻正浮青蘋合吹轉紫葉帶波

流屢逐明神薦恒隨旅客遊既能甜似蜜還復繞單題詩

王舟

枸杞

楚州開元寺北院枸杞臨井繁茂可觀羣賢賦詩

因以繼和

劉禹錫

僧房藥樹依寒井井有香泉樹有靈翠黛葉生籠石甃
紅子熟照銅瓶枝繁本是仙人杖根老新成瑞大刑上品
功能甘露味還知一勺可延齡

枸杞寄郭使君

集作和郭使君題枸杞

白居易

山陰

集作陽

太守政嚴明吏靜民

集作夜靜人

安無大驚不知靈

藥根成狗恠得特聞吠夜聲

雜詠

烹葵

前人

昨卧不夕食今起乃朝饑貧厨何所有炊稻烹秋葵紅粒
香復軟綠莢滑且肥饑來止於飽飽復何所集作飽後復何思憶
昔集作思憶榮遇日迨今窮退時今亦不凍餒昔亦無餘資口
既不減食身又不減衣撫心私自問何者是榮衰勿學常
人意其間分是非

和李君鍾鍾葛

戎昱

弱質人皆棄唯君手自我藟含霜後竹枝惹臘前梅擬託
陵雲勢須憑接引材清陰如可惜黃鳥定飛來

茅

李嶠

見單題詩

楚甸供王日衡陽入貢年磨苞青野外鷓鴣綺楹前堯帝

成茨罷殷湯祭兩旋方期大君錫不懼小巫捐

芳蓀生茅山東溪陶隱君謂之溪蓀花紫色生淺

水中

李德裕

楚客重蘭蓀遺芳今未歇葉抽清淺水花照暄妍節紫艷

映渠鮮輕香含露發

集作

離居若有贈暫與幽人折

移莎

唐彥謙

移徙杜城曲置在小齋東正是高秋裏仍兼細雨中結根

方迸竹疎蔭說高桐萋萋齊芳草飄飄笑斷蓬片時留藉

者一夜響鳴蛩野露通宵滴溪烟盡日蒙試才卑庾璉

味笑周蓀只此霜栽好他時贈伯翁

西明寺威公盆池新稻

前人

驚寒江南種稻時露蟬鳴後雨霏霏蓮盆積潤分畦小

井垂陰擢秀稀得地又生金象界結根仍對水田衣支公

尚有三吳思更使幽人憶釣磯

草木言

陳陶

何生我蒼蒼何育我黃黃草木無知識幸君同三光始自

受姓名歲豨立表

疑作

裳山河既分麗齊首乳青陽其辛

各有榮好醜不相防常憂刀斧劫竊慕仁壽鄉願天雨無

暴頤地風無狂雨足因袞憊風多因天傷在山不為桂徒

辱君高岡在水不為蓮徒占君深塘勿輕培塿阜或有奇

棟梁勿輕蒙臙澤或有奇馨香消毫可麗差

疑

朝茵壽為

長擁腫若無取大椿命為傷婆娑不材生萋萋向秋荒幸

遭薰風日有得皆簸揚所愧雨露恩願效幽微芳希君頗
採擇勿使枯雪霜

木葉

題落葉

司空曙

霜景催危葉今朝半樹空蕭條故國異零落旅人同颯岸

浮寒水依階擁夜蟲隨風偏可羨得到洛陽宮

集作城中

衛明府寄枇杷葉以詩答

前人

傾筐呈綠葉重疊色何鮮詎是秋風裏猶如曉露前傳儵

方見重消疾本應便全勝甘蕉贈空投謝氏篇

落葉

孔紹安

早秋驚葉落飄零似客心翻飛未肯下猶言惜故林

一葉落

白居易

煩暑鬱未退涼飈潛已起寒温與盛衰迭相為表裏蕭蕭

衆林下一葉忽先委勿言一葉微搖落從此始

同前

薛能

輕葉獨悠悠天高片影流隨風來此地何樹落先秋變色

黃應近亂枝綠尚稠無雙浮水面孤絕落關頭乍減誠難

覺將凋勢未休客心空自比誰肯問新愁

墮葉

釋無可

遶巷夾溪紅蕭條逐北風別林遺宿鳥浮水載鳴蟲石水

埋初盡枝長落未終 霜書麗什閑讀白雲中

題桐葉

杜牧

去年桐葉故溪上把筆偶集作把題歸燕詩江樓今日送

歸燕正是去年題葉時葉落燕歸今集作可惜東流玄髮

且無期笑筵歌席及惆悵朗月清風愴集作別離莊叟彭

殤同在夢陶潛身世兩相遺一九五色成虛席集作石爛

松薪更莫疑哆天也切侈不勞文似錦進趨何必利如錐錢

神任爾知無敵酒聖於吾亦庶幾江畔秋光蟾閣鏡檻前

山萃茂陵眉樽芳集作輕泛數枝菊簷影斜侵半局碁休

指官道論巧拙祇將愚直禱神祇三吳烟水平生念寧向

閑人道所之

和杜錄事題紅葉 白居易

寒山十月旦霜葉一時新似燒紅因火如花不待春

排絲帳亂落剪紅巾鮮駐藍昇集作看風前唯兩人

紅葉 羅隱

不柰荒城畔那堪晚照中野晴霜衰綠山冷雨摧紅游子

灞陵道美人長信宮等閑俱集作歲暮搖落意無窮

同前 唐彦謙

無處 高樓臨道旁素娥前夕月清女夜來霜宿雨

隨時潤秋晴看物光幽懷長若此病眼更相妨蜀紙裁深

色燕脂落靚粧低叢侵小閣倒影入回塘謝眺雷霞綺茸

宇棄錦張何人休遠道是處有斜陽薛荔垂書幌梧桐墜

井床晚風生旅館寒簾近僧房桂綠明淮甸楓丹照楚

鴈疎臨鄂杜蟬急傍瀟湘樹異桓宣武園非顧辟強茂陵

有鳥居丹穴其名曰鳳凰九苞應靈瑞五色成文章屢尚
秦樓側頻過洛水陽鳴岐今日一作見阿閣佇來翔

同前宋末帝詩中 伊夢昌

好是山家鳳歌成非楚鷄毫光洒風雨紋綵動雲霓竹實
不得飽桐孫何足栖岐陽今好去律呂正凄凄

鶴

登板橋詠洲間獨鶴 梁簡文帝

遠霧且氛氳單飛纔可分孤鷺思類聚作宿嶼浦羈喚下江濱
意惑東西水心迷四面雲誰知獨辛苦江上念離群

賦得舞鶴

前人見初學記

來自芝田遠飛渡武溪深振迅依吳市差池逐晉琴

轉迴湘動翅拂花林欲知情外物伊洛有清潯

主人池前鶴

吳均

本自乘軒者為君堦下禽低昂初學記作推藏多好貌清淚有奇

音稻梁恩類聚作惠既重華池遇亦深顧思初學記作懷恩未忍去非

無江海心

賦得華亭鶴

孔德紹見初學記

華亭失侶鶴乘軒龍遂終三山陵若霧千里激悲風心危
白露下聲斷綵絃中何言斯物變翻復似遼東

鶴

李嶠見單題詩

黃鶴遠聯翩從鸞下紫煙翱翔一萬里來去幾千年已
青田側時遊丹禁前莫言空驚露猶冀一聞天

郡府中每晨輒見群鶴東飛至暮又行列而返

呀吭一作雲路甚和樂焉余愧獨處江城常日

送此鳥意有所羨遂賦以詩 張九齡

雲間有數鶴撫翼意無違曉日東田去宵煙北渚歸
謹子良自適羅列好相依遠集長江靜高翔衆鳥稀
豈煩仙子馭何畏野人機却念乘軒者拘留不得飛

遇旅鶴

孫昌胤

靈鶴產絕境昂昂無與儔單飛滄溟曙一叫雲山秋
野性方自得人寰何所求時因戲祥風偶爾來中州
中州帝王宅園沼深且幽希君惠稻梁欲拜辭丹丘
不然奮飛去將適汗漫遊肯作池上鷺年年空沉浮

寄輿國池鶴上劉相公

張衆甫見類詩

翩狎經時久襜褕短翮存不隨淮海變空媿稻梁恩
獨立秋天靜單棲夕露繁欲飛還歛翼詎敢望乘軒

白二十集作白二十二侍郎有雙鶴留在洛下集作中予西

園多野水長松可以栖息遂以詩請之 裴度

聞君有雙鶴羈旅洛城東未放歸仙去集作路何如乞老翁

且將臨野水莫閉在樊籠好是長鳴處西園白露集作中

酬裴相公乞予雙鶴

白居易

警露聲音好冲天相貌殊終宜向廖廓不稱在泥塗
白首勞爲伴朱門幸見呼不知踈野性解愛鳳池無

送鶴與裴相臨別贈詩

前人

司空愛爾爾須知不信聽吟送一作鶴詩羽翮勢高寧惜

別稻梁恩重莫愁饑夜棲莫集作共鳥爭樹曉一作浴先

饒鳳占池穩上青雲一作勿迴顧的應勝有白家時

失鶴

前人

失為庭前雪飛因草集作上風九霄應得侶三夜不歸籠

聲斷碧雲外影沉明月中郡齋從此後誰伴白頭翁

和裴相公寄白侍郎求雙鶴

劉禹錫

皎皎華亭鶴來隨大守船白君罷吳郡太守携鶴來青雲意長在

長在滄海別經年留滯清洛苑徘徊明月天何如鳳池上

雙舞入祥煙

別鶴

張籍

出雲溪分飛各自迷空巢在松樹頂集作折羽落江泥

尋水終不飲逢林亦未栖別離應易老萬里草集作萋萋

失鶴

李遠

秋風吹起雜詠九臯禽一片閑雲萬里心碧落有情應悵

望瑤臺詩選作無路可追尋初來一作白雪翎猶短欲去

一作丹砂頂漸深華表樹頭留語後不知消類詩作息到

如今

過舊遊見雙鶴愴然有懷

前人

郎公何歲掩松揪雙鶴依然傍玉樓朱頂巔岼荒草上雪

毛零落小池頭蓬瀛路斷君何處雲水情深我尚留他日

若來華表樹更添多少令威愁

崔卿池上鶴

賈島

月中時叫葉紛紛不異洞庭霜夜聞翎羽如今從放長

從今如猶能飛起向一作孤雲

憶鶴

劉得仁

自爾歸仙後經秋又過春白雲尋不得類詩作見紫府去無因

此地空明月何山伴羽人將期華表上重見類詩作瞻望令威

身

同前

前人

白絲翎羽丹砂頂曉度秋煙出翠微來向孤松枝上立見人吟苦却高飛

山陽盧明府以雙鶴寄遺白一作伯氏以詩為答因

寄和

趙嘏

縑山雙去羽翰輕應為仙家好弟兄茆固枕前秋對舞陸雲溪上夜曾鳴紫泥封處曾回首碧落歸時莫問稼自笑滄江一漁叟何由似爾到層城

失鶴二首

薛能

偶背雕籠與我違四方端佇竟忘歸誰家白日雲間見何處滄洲雨裏飛曾啄稻梁殘粒在舊翹泥潦半蹤稀憑人轉覓多相誤盡道皤然作令威

二

華表翹風未可期變了投衛兩堪疑應緣失路防人損空有歸心最我知但見空籠拋夕月若何無樹宿荒陂不然

直道高空外白水青山屬臘疑作師

答賈支使寄鶴

前人

瑞羽竒姿踉蹌形稱為仙馭過青冥何年厚祿曾居衛
世前身本姓丁幸有遠雲兼遠水莫臨華表望華亭
勞君贈我清歌侶將去田園夜坐聽

陳州刺史寄鶴

前人

臨風高視聳竒形渡海冲天想盡經因得羽儀來合浦
便無魂夢去華亭春飛見境乘桴切夜喚聞時醉枕醒南守
欲知多少重撫毛千萬喚丁丁

失鶴

李羣玉

瑤臺烟霧外一去沒還心集作不暗清海蓬壺遠秋風

深幽集作翎留片雪雅操入孤琴不集作豈是籠中物

莫羅更莫集作尋

鶴

鄭谷

一自王喬放自由俗人行處懶回頭睡輕旋覺松花墮舞
罷閑聽澗水流羽翼光明欺積雪風神灑落占高秋應嫌
白鷺無仙骨長伴漁翁宿葦洲

病中題主人庭鶴

羅隱

遼水花亭舊所聞病中毛羽最憐君稻梁且足身兼徒何
必青雲與白雲

鷹

詠鷹

隋陽帝見初學記

遷朔欲之衡忽投尉羅裏既以羈華絆仍持獻君子青散
固絕儔素羽誠難擬深目表茲稱濶臆斯為美驚獸不及
奔猜禽無暇起雖蒙韞上榮無復陵雲志

觀放白鷹

李白

八月邊風高胡鷹白錦毛孤飛一片雪百里見秋毫

前人臂蒼鷹

前人高適

寒冬楚集作十二月蒼鷹八九毛寄言鸞雀莫相啅自有

霄萬里高

同前

章孝標

星眸未放瞥秋毫頻掣金鈴試雪毛會使老拳供口腹

辭親手啖腥臊穿雲自恠身如電殺兔誰知爪一作勝刀

可惜忍饑寒日暮向人鵠

知咸切鳥琢食也

斷碧絲條

白鷹

鄭繇

白錦文章亂丹霄羽翻齊雲間呼暫下雪裏放還迷梁苑

驚池鷺陳倉拂野鷄不知寥廓外何處是一作依棲

鳥

詠鳥代陳師道

唐太宗

陵晨麗城去薄暮上林棲辭枝枝暫起停樹樹還低向日

終難託迎風詎肯迷只待纖纖手曲裏作宵啼

晚飛鳥

虞世基

荷日晚飛低飛飛未得棲只為歸林遠恒當侵夜啼

詠巢鳥應詔

楊師道

桂樹春暉蒲巢鳥刷羽儀朝飛麗城上夜宿碧林垂背風
藏密葉向日逐踈枝仰德還能哺依人初學記遂可窺
鳴雕輦側王吉自相知

詠霜朝城上鳥

王拊

霜旦早暉通城鳥漸颺空聲喧高疊疑外曲韻楚琴中
寒映曉日竿迴噪朝風雖狎金墉上獨一作畏虎賁

鳥

李嶠

日路朝飛急霜臺夕影寒聯翩依日樹迢遞繞風竿白首
何年改清琴此夜彈靈臺如可託千里向長安

鵲

看柳上鵲

魏收

見初學記

心能識登春巢自成立枯隨雨霽依枝須月明疑是
雕籠出當由抵玉驚開關拂條軟迴復振毛輕何獨離婁
意傍人但未聽

詠鵲

蕭紀

欲避新枝滑還向故巢飛今朝數聲喜家信必應歸

鵲

李嶠

不分荆山抵其從石印飛危巢畏風急繞樹覺星稀喜逐
行人至愁隨織女歸儻遊明鏡裏朝夕動一作光輝類詩

敬明鏡裏朝夕有光暉

山行見鵲巢

蔣冽

鵲巢性本高更在西山木朝下清泉戲夜近明月宿非直

遊網羅兼能免傾覆豈復憂一作五陵子挾彈來相逐

夜飛鵲

前人

北林夜方久南月影頻移何宮飛三匝猶言未得枝

壬申閏秋題贈烏鵲

繞樹無依月正高鄴城新淚濺雲袍幾年始得逢秋鵲
度填河莫告勞

鄜州進白野鵲

薛能

輕毛疊雪翅開霜紅觜能深練尾長名應玉符朝北闕
柔金性瑞西方不憂雲路填河遠為對天顏送喜忙從此
定知栖息處月宮瓊樹是仙鄉

鴈

詠鴈

一作賤得隴
抵鴈初飛

梁簡文帝

高翔憚濶海下去怯虞機霧閣早相失沙明還共飛隴狹
朝聲亂風急暮行稀雖殄輪臺援未解龍城圍相思不得
反且寄別書歸

夜聽鴈

蕭子範

天月廣夜輝遊鴈犯霜飛連翩辭朔氣嘹唳獨南歸夜長
寒復靜燈光暖類聚作暖欲微悽悽不可聽何況觸愁機

詠鴈

王褒

伺朝聞曙響如隴類聚作龍有春暈豈若雲中鴈秋時塞外歸
河長猶可涉海濶故難飛霜多聲轉急風踈行屢稀園池
若可至不復怯虞機

失羣鴈

盧照隣

溫縣明府以鴈詩垂示余以為古之郎官出宰百里今之
墨綬入應千官事止鴈行未宜傷歎至如羸卧空石者乃
可為失羣慟耳聊因伏枕多暇以斯文應之

三秋北地雪皚皚萬里南翔渡海來欲隨石鷺沉湘水試
逐銅鳥繞帝臺帝臺銀闕距金塘中間鴛鴦已成行先過
上苑傳書信暫下中州戲稻梁虞人負繳來相及齊客虛
弓忽見傷毛翎顛顛飛無力羽翮摧頽君不識唯有莊周
解愛鳴復道郊歌重竒色惆悵驚思悲未已徘徊自憐岡
中一作中岡極傳聞有鳥集朝陽詎勝仙鳧邇帝鄉雲間海上
應鳴舞遠得鷓鴣弦猶獨撫金龜全寫中牟印玉鵠當變

願君弄影鳳凰池時憶籠中摧折羽

同臨津紀明府孤鴈

前人

三秋違北鴈一作地萬里向南翔河洲花稍白關塞葉初黃
避繳風霜勁懷書道路長水流疑箭動月照似弓傷橫天
無有陣度海不成行會刷能鳴羽還赴上林鄉

秋鴈

駱賓王

聯翩辭海曲搖曳指江干陣居金河冷書歸玉塞寒帶月
陵空易迷煙逗浦難何當同顧影刷羽泛清瀾

同張二詠鴈

前人

嘒藻滄江一作蒼梧非遠銜蘆紫塞長霧深迷曉集作晚非景風急
斷秋行陣照通宵月書封幾夜霜無復能鳴分空知愧稻

梁

南中詠鴈

常承慶

萬里人南去三春鴈北飛不知何歲月得與爾類詩同歸作汝

詠鴈

李嶠

春暉滿朔方歸單題詩鴈發衡陽望月驚弦影排雲結陣

行往還倦南北朝夕苦風霜寄語能鳴侶一作相隨入音

卿

同綦母學士月夜聞鴈

張九齡

棲宿豈無意飛飛更遠尋長塗未及伴一作中夜有遺音

月思關山笛集作風號流水琴空聾兩相應幽感一作何深

避繳歸南浦離群叫北林聯翩俱不定憐爾越鄉心

歸鴈

杜甫

聞道今春鴈南歸自廣州見花辭漲海避雪到羅浮是物

關兵氣何時免客愁年年霜露隔不過五湖秋

孤鴈

前人

孤鴈不飲啄飛鳴聲念群誰憐一片影相失萬重雲望盡

似猶見哀多如更一作聞野鷗無意緒聲噪自一作紛紛

送征鴈

錢起

秋空萬里靜嘹唳獨一作南征風急翻霜冷雲開見月驚

塞長憐去翼影滅有餘聲帳望遙天外鄉滿愁目生

沙上鴈

耿緯

衡陽多道里弱羽復哀音還塞如何日驚弦亂此心夜陰

前侶遠秋冷後湖深獨立汀洲意唯憂霜霰侵

早鴈

杜牧

金河秋半虜弦開雲上集作外驚飛四散哀仙掌月明孤影

過長門燈暗幾聲來一作未隨胡馬翩翩去集作須知在

豈逐春風一一迴莫厭一作好是瀟湘少人屐才多菰米岸莓

苔

同前

顧非熊

逐暖來南國迎寒背朔雲下時波勢出起處陣形分聲急

奔前侶行低續後群何人寄書札絕域可知聞

同前

鄭谷

八月悲風九月霜蓼花紅淡葦條黃石頭城下波搖影

平清西雲間行散馬散漁家吹短笛失群征戍鏢殘陽故

關爾亦惆悵何況扁舟非故鄉

新鴈

杜荀鶴

莫天新鴈起汀洲紅蓼花疎絕句詩選作開水國秋想得故園今

夜月幾人相憶在江樓

歸鴈

陸龜蒙

北走南征像我曹天涯迢遞翼應勞似悲邊雪音猶若初

背岳雲行未高月島聚栖防暗繳風難斜起避驚濤時人

不問隨陽一作揚意空拾欄邊翡翠毛

鷺

鷺

李嶠

芳樹雜花紅群鸞亂曉空聲分折楊吹一作柳嬌韻落梅風

寫轉清絃裏遷喬暗木中女生若何疑作可冀幽谷響還通

集作現 吻度花紅開關亂曉空乍離幽谷日先轉上林

同前

鄭縉

欲轉聲猶澁將飛羽未調高風不借便何處得遷喬

龜茲聞鸞

梁陟

邊樹正參差新鸞復陸離嬌非胡俗變啼是漢音移繡羽

花間覆繁聲風外吹人言曾不辨鳥語却相知出谷情何

寄遷喬義取斯今朝鄉陌伴幾處坐高枝

聽宮鸞

春樹遶宮墻宮鸞次第翔忽驚啼欲斷移處哢還長

樓承露桃花出未央遊人未應返為此始思鄉

春曉聞鸞

武元衡

寂寂蘭堂曉夢驚綠林斜集作殘月思孤鸞猶一作獨疑蜀魄

千年恨一作變非化作禽冤萬轉聲

奉和武相公春曉聞鸞

許孟容

碧樹當牕啼曉鸞聞關人夢聽難成千回萬轉盡愁思疑

是血魂哀困聲

同前

李益

蜀道山川心易驚綠窻魂絕句詩殘夢曉聞鸞分明似雪文

君恨萬恨千愁絃上聲

同前

于敖

玉繩河漢曉縱橫萬籟潛收鸞獨鳴能將百轉清心骨寧
止閑惓夢不成

同前

皇甫鏞

華館沉沉曙境清伯勞初轉月微明不知台座宵吟久
向花牕驚夢聲

黃鸞

鄭谷

春雲澹澹集作薄薄日輝輝宮樹煙深隔水飛應為能歌繫

籍麻姑乞與女真衣

清涼

對本霜林并出未央殿入未熟豈為此故思暇

文苑英華卷第三百二十九

詩一百七十九

禽獸二附蟲

百舌五首

鸚鵡七首

鴛鴦四首

灘鵝二首

孔雀二首

鷺鷥四首

雞雉二首

鷓鴣五首

鳧二首

鷗一首

鵝鴨二首

燕十七首

雀四首

子鴉六首

雜題五首

蝶三首

蜂一首

螢十一首

百舌

詠百舌

劉孝綽

山人惜春暮旭旦坐花林復值懷春鳥枝間弄好音遷喬
聲迴出赴谷響幽深乍聽長而短時聞絕復尋孤鳴若無
對百轉似群吟昔聞屢歡音今聽忽悲今聞聽非殊異
暮獨傷心

聽百舌

徐暉妻劉氏

庭樹旦新晴臨鏡出雕楹風吹桃李氣過傳春鳥聲淨寫
山陽笛金作洛濱笙注意怨田觀類聚作歡留聽誤令粧不成

在長安聽百舌

陳聘使常鼎

萬里風煙異一鳥忽相驚那能對遠客還作故鄉聲

聽百舌鳥

李元操

烟銷上路靜漏盡禁門通好鳥從西苑流響入南宮閑
既多緒變轉復無窮調驚時斷絕音繁有異同飲啄歸承
露飛鳴上別風未避王孫躡寧畏虎賁弓石渠皆學府麟
閣悉文雉不悵一作惟青泥印特尋白杜中

汝濱秋事同仙州王長史翰聞百舌鳥祖詠

秋天聞好鳥驚起出簾帷却念殊芳月能鳴已後時遷喬
誠可早出谷此何遲顧影慙無對懷群增所思淒涼歲欲
晚蕭索燕將辭留聽未終曲彌令心獨悲高飛憑力致巧
轉任天姿返覆知而靜間關斷若遺花繁上苑路霜落汝
川涓且長陵風翻乘春自有期

鸚鵡

同蔡孚起居詠鸚鵡 胡皓

鸚鵡殊姿致驚鳳得比有常尋金殿裏每話玉階前
才方達楊雄老未遷能言既有地何惜為聞天

詠鸚鵡

裴說

常貴西山鳥銜恩在玉堂語傳明主意衣一作拂美人香

緩步尋珠網高飛上畫梁長安頰道樂何日從君王

同前

李義甫

率弋辭重海觸網去層巒戢羽雕籠際延思彩霧端暮
朝聲切離群夜影寒能言殊可貴相助憶長安

同前

杜甫

鸚鵡含愁思聰明憶別離翠衿渾短盡紅蓓謾多知未有
開籠日空殘舊宿枝世人憐復損何用羽毛奇

初出金門尋王侍郎不遇詠壁上鸚鵡 李白

落羽辭金殿一作孤鳴託集作繡衣能言終見棄還向隴

山飛

鸚鵡

白居易

隴西鸚鵡到江東養得經年背漸紅常恐思歸先翦翅每
因餒食暫開籠人憐巧語情雖重鳥憶高飛意不同應似
朱門欲舞妓深藏牢閉在房中

同前

吳英秀

莫把金籠閉鸚鵡箇箇聰明解人語忽然更向君前言三

十六宮愁幾許

鴛鴦

和友人鴛鴦之什三首

崔珏

翠鬢紅毛舞夕暉
水禽情似此禽稀
暫分烟島猶迴首
只渡寒塘亦並一作飛映霧乍迷
金殿瓦逐後齊上一作還
人機採蓮無恨
蘭橈女笑指中流
羨爾歸

二

寂寂春塘煙晚時一作曉
兩心如影共依依
溪頭日暖眠沙
穩渡口風寒浴浪稀
翡翠莫誇饒彩飾
鸚鵡須羨好毛衣
蘭深芷密無人見
相逐相呼何處歸

三

舞鸞俱別離
可憐生死兩相隨
紅絲毳落眠沙處
雪花成蹙浪時琴
上只聞交頸語
窓前空展共飛時
如何相見長相對
肯羨人間多所思

鴛鴦

羅鄴

江雲一作碧靜
霽煙開錦翅一作雙雙
輕飛去又迴
一種鳥憐一作名字好
祗緣人恨別離來
暖依牛渚江
莎媚夕宿龍池
禁漏催相對
若教秦女見
便應携一作上鳳凰臺

鷓鴣

鷓鴣

杜甫

故使籠寬織
須知動損毛
看雲莫悵望
失水任呼號
六翮曾經剪
孤飛只未高
且無膺隼慮
留滯莫辭勞

同前 唐彦謙

一宿南塘煙雨時好風搖動綠波微驚離曉岸衝花去暖

下春汀照影飛華屋撚絃彈鼓舞綺窓含筆澹毛衣畫屏

見後長廻首爭得雕籠莫放歸

孔雀

西川使宅有常大尉集作令公時孔雀存焉暇日因與

諸公同翫座中兼故府賓御集作妓與歎集作差者又

之因賦是集作此詩用廣其意 武元衡

荀令昔君此故巢留越禽動搖金翠尾飛舞玉池一作又作

陰一作梧音上客撒瑤琴美人傷蕙心會因南國使歸放

雲深

孔雀

薛能

偶有功名正俗才靈禽何事降瑤臺天仙黼黻毛應是宮

屏帟尾忽開曾處嶂中真霧隱每過庭下似春來佳人

為我和衫拍遣作傴僂一作婆娑送一盃

鷺鷥

鷺鷥

張祐

深窺思不窮揭趾淺沙中一點山光淨孤飛潭影空暗棲

松葉露雙一作輕下蓼花風好是滄波侶垂絲趣亦同

同前

鄭谷

閑立春塘一作蕪煙澹澹靜眠寒葦雨颼颼漁翁歸後沙汀

晚集作汀飛下雜詠灘頭更自由

同前

裴說

秋江清淺時魚過亦頻窺却為分明極翻成集作所得遲

浴隈紅日色棲壓碧蘆枝會共鷓同侶翱翔應可期

同前

羅隱

斜陽澹澹柳陰陰風裏寒絲映水深不要雜詠作向人誇

潔白也知長雜詠作有羨魚心

鷓雉

山鷄

溫庭筠

石集作壑動晴景山禽陵翠微繡翎翻草去紅觜啄花

巢暖碧雲色影孤清鏡輝不知春樹畔何處又分飛

雉

李嶠

白雉振朝聲飛來表太平楚郊疑鳳出陳寶若雞鳴

懷仁至中郎作賦成冀君看飲咏耿介獨含情

鷓鴣

鷓鴣啼

常應物

可憐鷓鴣飛飛向樹南枝南枝日照暖北枝霜霧滋露滋

不堪栖使我夜常啼願逢雲中鶴銜我向廖廓願作城上

鳥一年生九雛何不舊巢住枝弱不得一作去何意道辛

苦客子常畏人

九子坂

一作開鷓鴣

李羣玉

落照蒼茫秋草明鷓鴣啼處遠人行正穿屈曲崎嶇路又

聽鈎輶格磔聲曾泊桂江深岸雨亦於梅嶺阻歸程此時

為爾腸千斷定是今宵白髮生

鷓鴣

鄭谷

暖戲烟蕪錦翼齊品流應得近山雞雨昏青草湖邊過花

落黃庭廟裏啼行客集作子乍聞征袖濕歌集作佳人纔唱翠

眉低相呼相喚湘江濶集作相應苦竹叢深春日西

目前

常莊

南禽無侶似相依錦翅雙雙傍馬飛孤竹廟前啼暮雨泪

羅祠類詩作江畔弔殘暉秦人只解歌為曲越女空能盡作衣

懊惱澤家鷓鴣之音澤非有恨非類詩作知年年長憶鳳城歸

放鷓鴣

羅鄴

好傍青山與碧溪刺桐毛竹一作羽待雙棲花時遷客傷離

別吳何相思樹上啼

鳧

賦得汎汎水中鳧江惣

歸鳧沸卉同亂下方塘中出沒時銜藻飛鳴忽颺風浮深

或不息戲廣若乘空春鸚徒有賦還笑在金籠

鳧

李嶠

颯沓睢陽溪浮遊漢渚隈錢飛出井見鶴引入琴哀李陵

賦單題詩作降將貽詩罷王喬曳鳥來何當歸太液翔集動成雷

鷗

詠白鷗

何遜

可憐雙白鷗朝共水上遊何言異栖息雌雄通用住雄不留

孤飛出淑浦類聚作浦淑獨宿下滄洲東西從此去影響絕無

由

鵝鳴

題鵝

李商隱

眠沙卧水自成群曲岸斜集作殘陽極浦雲那得集作解將心

憐孔翠集作雀羈雌長共故雄分

花鴨

杜甫

花鴨無泥滓塔前每緩行羽毛知獨立黑白大分明不許群心妬休牽衆眼驚稻梁霜汝在作意莫先鳴

鷺

詠新鷺

梁昭明太子

類聚作蕭文

新鷺節歸俱向吹樓飛入簾驚釧響來窓疑類聚作疑舞步

詠鷺

吳均

一鷺海上來一鷺高堂息一朝相逢遇依然舊相識問爾

類聚作余來何遲山川幾紆直答言海路長風多類聚作駛飛無力

詠簷鷺

庾有吾

雙燕集蘭閨雙飛高復低向戶疑新箔登巢識故泥依欄本相賀近幕願同栖

和晉安王詠鷺

前人

可憐幕上鷺差池弄羽衣夜夜同巢宿朝朝相背飛銜泥瞻樂善相賀奉英徽秋蟬行寂寞戀此未辭歸

啣泥雙燕

蕭詮

啣泥金屋外表瑞玉筐中學飛疑漢妾巢幕憚吳宮瓜截
還猶短窠成常不空一作巢成詎並零陵石飛舞逐春風

賦得戲燕俱宿

盧世基

大厦初構與雲齊歸燕雙入正啣泥欲繞歌梁向舞閣偶
為仙履往蘭閨千里爭飛會難並聊向吳宮比翼栖

燕

李嶠

天女伺辰至玄依澹碧空差池沐時雨頡頏舞春風相賀

雕楹側雙飛翠幕中勿

單題詩

驚留瓜去猶冀識吳宮

記吳宮人剪燕爪
審之以記更來

燕巢軍幕

宋之問

非關憐翠幕不是厭朱樓故來呈燕領報道欲封侯

春燕

徐壁

雙燕今朝至何時發海濱窺人向簷語

一作窺簷
向人語如道故

鄉春

詠燕

張九齡

海燕何微眇乘春亦暫來豈知泥滓賤祇見玉堂開繡戶

時雙入雕梁

集作
華軒

日幾迴無心與物競膺隼莫相猜

燕啣泥

馮渚

雙燕碌碌飛入屋屋中老人喜燕歸徘徊繞我床頭飛去

年為爾逐黃雀雨多屋漏泥土落爾莫厭老翁茅屋低梁

頭作窠梁下棲爾不見東家黃鸞鳴嘖嘖虵盤瓦溝鼠穿

壁豪家大屋爾莫居驕兒少婦採爾雛井旁寫水泥自足

御泥上屋隨爾欲

同前

常應物

御泥驚聲婁婁尾涎涎秋去何所歸春還復相見豈不解
决絕高飛碧雲裏何為地上啣泥滓啣泥雖賤意有營
梁朝日巢欲成不見百鳥畏人林野宿翻遭羅網俎其肉
未若啣泥入華屋驚啣泥百鳥之智莫與齊

賦得早燕送別

李益

碧草漫

一作縵

如線來去

集作去來

雙飛燕長門未有春先入班

姬殿梁空繞復

一作不

息簷寒窺欲遍今至隨紅藥

集作昔

還悲素扇一別與秋鴻差池詎相見

詠燕示劉叟

劉叟有愛子背叟逃走一作去叟悲念之叟少年時亦嘗如是作

以喻

梁上有雙燕翩翩雄與雌啣泥兩椽間一巢生四兒四兒
日夜長索食聲孜孜青蟲不易捕黃口無飽期背瓜雖欲
獎心力不知疲湏臾十來往猶恐巢中飢辛勤三十日母
瘦鷓漸肥喃喃教言語一一刷毛衣一旦羽翼成引上庭
樹枝舉翅不迴頭集作顧隨風四散飛雌雄空中鳴聲盡呼
不歸却入空巢裏啁啾終夜悲燕燕爾勿悲爾當反自思
思爾為鷓日高飛背母時當時父母念今日爾應知

洞房燕

張祐

清曉洞房開佳人喜燕來乍疑釵上動輕似掌中迴暗語
臨集作通窓戶深窺傍鏡臺集作正含思莫拂盡梁埃

燕

鄭谷

年去年來來去忙春寒煙暝度瀟湘低飛綠岸和梅雨散

集作入紅樓棟一作杏梁閑几硯中窺水淺落花徑裏得

泥香千言萬語無人會又逐流鶯過短墻

巢燕

湖汾

燕來巢我簷我屋非高大所貴兒童善保爾無殃禍莫巢

孀婦家孀婦怨孤坐妬爾長雙飛打爾危巢破

雀

詠雀

沈趨

體類詩薄少滋腴色淺非丹翠不懼越王羞寧懷秦后

傍簷葺寒草循場啄餘穗且欣大厦成焉須鴻鵠志

同前

李嶠

大厦初成日嘉賓集杏梁銜書表周瑞入幕應王祥暮宿

空集作城裏朝遊漣水傍願齊鴻鵠志希逐鳳凰翔

義雀行和朱評事

賈島

玄鳥鳴雉俱春雷驚蟄餘口啣黃河泥室宜集作翔天隅

一夕背集作莫歸哢哢遺衆雛雙雀抱仁義哺之忘勞劬

集作衆雛既儷飛集作雲開聲相呼燕雀雖微

類集作感媿誠集作不殊禽賢難自彰幸蒙主人

書

詹雀

揚發

弱羽怯孤飛投簷幸所依銜環唯報德賀厦本知歸紅紫

體爭顧丹心自識機從來攀鳳足生死戀光輝

子規

攝山聽子規

顧况

棲霞山中子規鳥口中血出啼不了山僧夜後初入來
定聞似不聞山月曉

山中聽子規

前人

幽人自愛

前篇作野人愛向

又近

前篇作况近

窓邊

前篇作庭前

子規

杜宇冤亡積有時年年啼血動人悲若教恨魄皆能化
樹何山着子規

聞子規

杜荀鶴

楚天空闊月成輪蜀魄聲聲似告人啼得血流無用處

如緘口過殘春

子規思

陳陶

春山杜鵑來幾日夜啼南家復北家野人聽此坐惆悵恐
畏踏落東園花

聞子規

羅鄴

蜀魄千年尚怨誰聲聲啼血向花枝滿山明月東風夜正
是愁人不寐時

雜題

望栖鳥

劉孝威

夕鳥亂參差單雄雜寡雌聯翻歸葉裏出沒澡林垂爭栖

時易樹驚飛忽度枝雖無繫書重亦有含櫻疲以茲憔悴
力重逢輕薄兒珠丸蘇含彈金繳青絲縻豈意翩翩羽遂
免更羸危入懷欣得地依林竊願知

病鷓

韓愈

屋東惡水溝有鷓墜集作墮鳴悲青泥掩兩翅拍拍不得離

群童叫相召瓦礫爭先之計救生平事殺却理亦宜奪攘

不愧耻飽滿盤天嬉晴日占光景高風送集作送追隨遂集作

疑陵鸞風羣肯顧鴻鵠集作鵠早今者運命窮遭逢巧丸兒

中汝要害處汝能不得施於吾乃何有不忍乘其危救集作

丐汝將死命浴以清水池朝食輟魚肉暝宿防狐狸自知

無以致蒙德久猶疑飽入深竹叢饑來傍集作上墻基諫

責報心固以聽所為昨日有氣力飛跳弄藩籬今辰忽

去曾不報我知僥倖非汝福天衢汝休窺京城事彈射豎

子豈集作不易欺勿詰泥坑辱泥坑乃良規

題戴勝

賈島

墨點花冠道士依紫陽宮女化身飛能傳上界春消息若

到蓬山莫放歸

啄木兒

朱餘慶

丁丁向晚急還稀啄遍類詩庭槐未肯歸終日與類詩君

除嘉害莫嫌集作無事不頻飛

越鳥

鄭谷

背霜南鴈不到處倚棹北人初聽時梅雨滿江春草歇一

聲聲在荔枝枝

蝶

詠花蝶

温子昇

素蝶向林飛，紅花逐風散。花蝶俱不息，紅素還相亂。芬芬共襲予，歲蕤徒可玩。可慰行客心，遽動離君歎。

蝶

羅隱

漢王刀筆精，馮爾逼天生。舞巧何防急，飛高所恨輕。野田黃雀慮，山館主人情。此物那堪作，莊周夢不成。

同前

李商隱

飛來繡戶陰，穿過畫樓深。重傳秦臺粉，輕塗漢殿金。相見唯柳絮，所得是花心。可要陵孤客，邀為子夜吟。

蜂

蜂

前人

小集作苑華池爛漫，通後門前檻。思無窮，宓妃腰細纒。勝

露趙后身輕，欲倚風紅壁。寂寥崖窰，盡碧簷。
集作迢迢霧

巢空青陵粉，蝶休離恨長。定一作相逢二月中。

螢

詠螢

梁簡文帝

本將秋草并類聚今與夕風輕。騰空類星質，拂樹若花星。

屏疑神火照，簾似夜珠明。逢君拾光彩，不恡此身傾。

月中飛螢

紀少瑜

遠度時依幕，斜來如畏窓。向月光還盡，臨池影更雙。

詠螢

火中變腐草明滅靡恒調兩墜弗虧光陽昇反奪照渣樹
類奔星集草疑餘燎望之如可灼攬之徒有耀

照帙秋螢

楊縉

秋窓餘照盡入照早螢來忽聚還同色恒然詎落灰飛影
黃金散依帷縹帙開昏明終不息夜月空徘徊

詠螢

于季子

卉草誠幽賤枯朽絕因依忽逢惜疑羽翼不覺生光輝
念恩華重長嗟報効微方思助日月為許願曾二字飛

同前

嘉運

映水光難定凌虛體自有輕夜風吹不滅秋露洗還明

仍藏熠投書更有情猶將流亂影來此傍簷楹

詠秋螢

虞世南

的歷流光小飄颻弱翅輕恐畏無人識獨自暗中明

螢火

杜甫

幸因腐草出敢近太陽飛未足臨書卷時能點客衣隨風
爾慢小帶雨傍林微十月清霜重飄零何處歸

螢

羅隱

空集作秋庭夜未央點集作點的集作點度危集作西墻抱影何卑集作微

細乘時忽發揚不思因腐草便擬倚孤光若道通文翰集作

能通車公業豈長

同前

唐彥謙

日下蕪城莽蒼中濕螢掩亂起衰叢寒煙陳后長門閉夜
兩隋家舊苑空星散欲陵前檻月影低如試北窓風鬪人
此夕方愁緒心似寒灰首似蓬

同前

周繇

熠熠與娟娟池塘竹樹邊亂飛同度火成聚却無烟
灑不滅輕風吹欲燃舊曾書按上頻把作囊懸

文苑英華卷第三百二十九

文苑英華卷第三百三十

詩一百八十

禽獸三蟲魚

蟬二十二首

促織二首

蜘蛛一首

馬三十三首

猿三首

獺一首

魚四首

龜一首

蟬

詠蟬

楮雲

避雀喬

類聚作芳

枝裏飛空華殿曲天寒響屢嘶日暮聲逾速

類聚作促繁吟如欲盡長韻還相續飲露非表清輕身易知足

後堂聽蟬

蕭子範

試逐微風遠聊隨夏葉繁輕飛避楚雀飲露入吳園流音
繞藜藿餘響切高軒借問邊城客傷情寧可言

同陸廷尉驚早蟬 沈君攸

日暮野風生林蟬候節鳴望枝疑數處尋空定一聲地幽
吟不斷葉動噪羣驚獨有河陽令偏嫌秋翅輕

賦得新題寒樹晚蟬踈 張正見

寒蟬噪楊柳應朔吹 類聚作 朔吹犯 梧桐葉迥飛難住枝殘影共

空聲踈飲露後唱絕小園 類聚作 斷絃 中還因搖落處寂寞盡

秋風 賦得

賦得秋蟬鳴柳應衝陽王教 前人

秋氣爽遙天園柳集 集作 景 驚蟬競噪長枝裏爭飛落葉

向知響急樹近覺聲連長楊流喝盡詎識蔡邕絃

在獄詠蟬 駱賓王

西陸蟬聲唱南冠客思侵那堪玄鬢影來對白頭吟露重

飛難進風多響易沉無人信高潔誰為表清心 集作 予心

始聞夏蟬 常應物

徂夏暑未晏鳴蟬 集作 蟬鳴 景已曛一聽知何處高樹但侵雲

響悲遇衰齒節謝屬離群還憶郊園日獨向此澗 集作 澗 中聞

新蟬 耿緯

今朝蟬忽鳴遷客若為情便覺一年謝能令萬感生微風

方蒲樹落日 類詩 作葉 稍沉城為問同懷者妻涼聽幾聲

新蟬酬劉夢得見寄 白居易

開緘思浩然集作獨詠晚風前人貌非昨集作前日蟬聲似

去年槐花新雨地柳影欲秋天聽罷無他計相思又一篇

聞蟬寄賈島

姚合

秋來吟更苦集作未秋吟更苦半煙半隨風禪客嫌心集作心應亂遊

人願耳集作耳願聾雨晴高樹裏日晚古城中遠思應難盡誰

當與我同

客中聞早蟬

于武陵

江頭一聲起芳歲已難留聽此高林上遙知故國秋應催

風落葉似勸客回舟不是新蟬苦年年自可愁

病蟬

賈島

病蟬飛不得向我掌中行折翼猶能薄酸吟尚極清露

疑在腹塵點誤侵晴黃雀兼鳶鳥俱懷害爾情

風蟬

風蟬旦夕鳴伴葉送新聲故里客歸盡水邊身獨行躁軒

蒿樹合驚枕暮山橫聽處無人見塵埃蒲甌生

早蟬

薛能

不見上庭樹日高聲忽吟他人豈無耳遠客自關心暫落

還因雨橫飛亦向林分明去年意從此漸聞砧

聽蟬

趙嘏

噪蟬聲亂日初曛絃管樓中未不聞爭詩選作獨奈愁人數莖

鬢詩選作髮故園秋隔五湖雲

蟬

雍陶

高樹蟬聲入晚雲不唯愁我亦愁君何時各得身類詩無
事每到聞時似不聞

蟬

張喬

先秋蟬一悲長是客行時曾感去年者又鳴何處枝細聽
殘韻在迴望舊聲遲斷續誰家樹涼風送別離

蟬

許棠

造化全微物偏宜應候鳴初離何處樹又發去年聲騷屑
隨風遠悠揚類葉輕報秋涼漸至嘶夜思偏清默守疑相
答微搖似欲行繁音人已厭朽殼蟻猶爭朝士嚴冠錦宮
嬪逞鬢名亂依西月噪多引北歸情蓀露凝潜吸蛛絲
忽繁此時吟立久萬緒一時生

蟬

集作聽新
蟬寄張晝

方干

經聲類斷續審聽亦難分鬢髮應移處從容却不聞蘭樓
朝咽露樹隱暝吟雲若集作莫遣鄉愁起吾懷只是集作似君

蟬

羅鄴

纔入新秋百感生就中蟬噪最堪驚能催時節凋雙鬢愁
到類詩作對江山聽一聲不傍管絃拘醉態偏依楊柳撓類詩作引
離情故園聞處猶惆悵况是經年萬里行

蟬

羅隱

天地工夫一不遺與君聲調借君綏風栖露飽今如此應
忘當年滓濁時

夜蟬

唐彥謙

翠竹高梧夾後溪，勁風危露雨凄凄。那知北牖殘燈暗，又送西樓片月低。清夜更長應未已，遠煙尋斷莫頻嘶。羈人此夕如三歲，不整寒衾待曙鷄。

促織

杜甫

促織甚微細，哀聲何動人。草根吟不穩，床下夜相親。久客得無淚，放集作妻難及晨。悲絲集作與急管，感激異天真。

同前

張喬

念爾無機自有情，迎寒辛苦弄梭聲。椒房金屋曾何織，備向貧家壁下鳴。

蜘蛛

孟郊

萬類皆有性，各各稟天和。蠶身為爾集作身，爾身何大。

蠶身不為已，爾心集作不為他。蠶絲為衣裳，爾絲為網羅。

濟物既無功，害物口已多。百蟲雖有集作恨，其將柰爾何。

馬

西齋行馬

梁簡文帝

晨風白金絡，桃花紫玉珂。影斜鞭照耀，塵起足蹉跎。任俠稱六輔，輕薄出三河。風吹鳳凰袖，日映織成靴。遠江鱸舫少，遙山煙霧多。雲開瑪瑙華類聚水，淨琉璃波廣路拂青。柳田塘繞碧莎，不効孫吳術。寧須趙李過。

繫馬

同前

青驪沉楮汗，綠地懸花蹄。未垂青鞵尾，猶掛紫障泥。蹠足鞞中積，搖頭櫪上嘶。紫關如未息，直去取榆溪。

賦詠登山馬
阮文帝

登山馬逕小逕小馬終通汗赭疑沾動衣香不逐風何殊
隴頭望遙識初連東

後園看騎馬
同前

良馬出蘭池連翩驅桂枝鳴珂隨跼蹶輕塵逐影移香來
知驟近汗歛覺風吹遙望黃金駱懸識幽并兒

賦得馬
劉珊

獨欲臨寒窟離群思北風陳王欲觀舞御史自隨驄邊
隕客淚果下益桃紅恒持沛艾影解向平陵東

賦得邊馬有歸心
沈炯

窮秋邊馬肥向塞甚思歸連鑣渡蒲海束舌下金微

將摧鶴翼圍彌憶長秋道金鞍類聚背落暉

登山馬
梁簡文帝

登山馬間樹玉勒黃金裝草合宜韉短影轉見鞭長何殊
八公岫暫上淮南王

詠馬
楊師道

寶馬權奇出未央彫鞍照曜紫金裝春草初生馳上苑秋
風欲動戲長楊鳴珂屢度章臺側細蹠經向濯龍傍徒令

漢將連年去宛城今已馘初學記名王

病馬
杜甫

棄汝集作亦已久天寒關寒深塵中老盡力歲晚病傷心
毛骨豈殊衆馴良猶至今物微意不淺集作一沉吟

英華題杜甫病馬詩三首總目同第一篇至此自僻遠又非珠玉裝如何有奇怪每夜吐光忙虎氣必騰上龍自寧又藏風塵若未息持汝奉明王按本集乃著劍詩現詞意亦然其病馬只是一首當時誤編

羽林騎

韓相

駿馬牽來御柳中鳴鞭欲過渭橋東紅蹄亂踏春殘雪花領頻嘶上苑風

觀調馬

前人

鴛鴦赭白齒新齊晚日花中教碧蹄玉勒斗回初噴沫金鞭欲下不成嘶

奉和劉祭酒傷白馬

此馬勅賜寧王轉贈祭酒

嚴維

沛艾如龍馬來從上苑中棊華恩見賜伯舅禮仍崇鑿點黃金眼花開白雪駿性柔君子德足逸大王風色照鳴

車聲連噴玉雄食場恩未盡過隙命旋終練影依雲沒銀

鞍向月空仍聞樂府唱 猶念代勞功

詠老馬

沈炯

昔日從戎陣流汗幾東西一日馳千里三丈拔深溪渡水頻傷骨翻霜屢損蹄勿言年齒暮尋途尚不迷

詠飲馬

唐太宗

駿骨飲長涇奔流洒絡繹細紋連噴聚亂荇遶蹄縈水光鞍上側馬影溜集作流中橫翻似天池裏騰波龍種生

詠飲馬應詔

清晨控龍馬弄影出花林蹊蹠依春澗聯翩度碧潯苔流染絲絡水潔寫雕簪一御瑤池駕詎憶長城陰

蒙裴相公集作司空賜馬謹以詩謝 張籍

綠耳新駒已有集作駿得名司空自選集作遠自寄書生遠集作離

華廐移蹄溢初到貧家覺眼驚每見閑人多被集作來借問唯

集作多尋古寺獨騎行思量幾夜集作長思歲旦沙堤上得從鳴珂

倚集作傍火城

酬張秘書因寄馬贈詩 裴度

蒲城馳逐皆求馬古寺閑行獨與君代步本慙非逸足綠

情何幸枉高文若逢佳麗從集作源將換莫共駑駘角出群

飛控着鞭能顧我當時王粲亦從軍

和前 李絳

高才名價欲凌雲上駟老華遠贈君念舊露垂丞相簡

知學動客卿文縱橫逸氣寧稱力馳聘長途定出群伏

莫令空度歲黃金結束取功勳

同前集作賀張十八秘書得裴司空馬 韓愈

司空遠寄養初成衫集作毛色桃花眼鏡明落日已曾交轡

語春風還擬並鞍行長令奴僕知饑渴須着賢良待性情

且夕公歸申一作伸拜謝免勞騎去雜詠作去騎 逐雙旌

同前 張賈

閣下從容舊客卿寄來駿馬賞高情司空詩云古寺閑行獨與君 任追

煙景騎仍醉知有文章倚便成步步自憐春日影蕭蕭猶

起朔風聲須知上宰吹噓意送入天門上路行

同前 元稹

丞相功高厭武名，牽將戰馬寄儒生。
四蹄荀距藏雖盡，六尺鬚頭見尚驚。
減粟偷兒憎未飽，騎驢詩客罵先行。
勸君還却司空著，莫遣衙參傍子城。

同前

白居易

齒齋臆足毛頭膩，祕閣張家

集作即

叱撥駒洗了，領花翻假

錦走時蹄汗踏，真珠青衫乍見曾。
驚否紅粟難賒得，飽無

丞相寄來應有意，遣君騎去上雲衢。

同前

集作裴相公大學士見示答張秘書謝馬詩并詳公屬和因命追作

劉禹錫

草玄門戶少塵埃，丞相并州寄馬來。
初自塞垣啣首宿，忽行幽徑破莓苔。
尋花緩轡威遲去，帶酒垂鞭蹀躞迴。
不與王侯與詞客，知輕富貴重清才。

駑驥吟

韓愈

駑駘誠齷齪，市者何其稠。
力小若易制，價微良易酬。
渴飲一斗水，饑食一束芻。
嘶嘶當大路，志氣若有餘。
駑驥生絕

域自矜無匹儔，牽

集作什

入市門行者，不為留借問價幾

何黃金比崇

集作嵩

立借問行幾何，咫尺視九州。
饑食玉山

未渴飲醴泉，流問誰能為。
御曠世不可求，唯昔穆天子乘

之極遐遊，王良執其轡。
造父夾

集作挾

其軻，因言天外事，恍

惚使人愁。駑駘謂駑驥，餓死余爾羞。
有能必見用，有德必

見收。孰云特與命，通塞皆自由。
駑驥不敢言，徘徊但垂頭。

人皆劣駑驥，共以駑駘優。
喟予獨興嘆，才命不同謀。
寄詩

同心子為我商

集作高

聲謳

答韓十八駕驥吟

歐陽詹

故人舒其憤昨示駕驥篇集作取駑以易售陳驥以難知言

委曲感既深咨嗟詞亦殷伊情有遠瀾余志遜其源室在

周孔堂道通堯舜門調雅聲寡同途遐勢難翻顧茲萬恨

來假彼二物云賤貴而貴賤世人良共然集作芭蕉一葉

妖茂葵一花妍集作異無才實資手植楷墀前榎栴十圍

瑰松栢百尺堅罔念梁棟功野長丘墟邊傷哉昌黎韓焉

得不迤邐上帝本厚生大君方建元寶一作實將庇羣昨燕

此規崇軒班爾圖永安掄擇期精專君看廣廈中豈有榑

庭集作庭前萱

有小白馬乘馭多時奉使東行至稠桑驛溘然

斃足可驚傷不能忘情題二十韻 白居易

能驥復能馳翩翩白馬兒毛寒一團雪駿薄萬條絲皂蓋

春行日驪駒曉從時雙旌前獨步五馬內偏騎芳草承蹄

葉重揚拂頂枝跨將迎好客惜不換妖姬慢鞚遊蕭寺閑

驅醉習池睡來乘作夢興發倚成詩鞭為馴難下鞍綠穩

不離北歸還共到東使亦相隨赭白何曾變玄黃豈得知

嘶風覺聲急踏雲恠行遲昨夜猶芻秣今朝尚繫維卧槽

應不起顧主遂長辭塵滅駸駸跡霜留皎皎姿度關形未

改過隙影難追念倍燕求駿情深項別駒銀收鈎臆帶金

卸絡頭羈何處理竒骨誰家覓弊帷稠桑門外吟罷涕

雙垂

文苑英華

卷

病馬五首

曹唐

羸駟一作綠耳何年到渥注到一作別病來顏色半塵沙四蹄不鑿

金一作銀砧裂雙眼慵開玉筋斜墮月兔毛乾斛練一作輕

尖雲龍骨瘦查牙一作牙槎平原好放無人放嘶向秋風背蒼

花

二

墮上沙窻葉正齊騰黃猶自踟羸蹄尾蟠夜雨紅絲脆頭

掉秋風白練低力憊未思金絡腦影寒空望錦障泥階前

莫恠垂雙淚不遇孫陽不敢嘶又玄集作嘗前莫錯雙垂

三唐宋類詩指此篇為曹松作

不剪焦毛鬣半翻何人別一作是古龍孫風吹一作侵病中

氣土蝕驄花見卧痕未噴斷一作得噴雲歸漢苑曾追轉

一作已練過吳門一朝千里心猶在爭一作誰肯潛忘一作施

秣飼恩一作皆唐宋詩類

四

空被秋風吹病毛無因濯浪刷洪濤卧來恣恠龍蹄踞瘦

盡誰驚虎口高追電有心猶疑段逢人相骨強嘶號欲待

鬣鼠重裁剪乞借新成利鉸刀

五

病久無人着意看王華衫一作髮色欲凋殘飲驚白露泉花

冷喫怕清風豆葉寒長檐敢辭紅錦重舊韉寧畏紫絲蟠

三良若許相搥策千里追風也不難

馬

陳焜

未明龍骨駿幸得到神州自有千金價寧忘伯樂酬雖知
殊款段莫敢比驂騮若遇追風便當軒一舉頭

浴馬

喻鳧

解控復收鞭長津動細漣空蹄沉綠玉闊臆浸連錢沫
橋聲下纏盤柳影邊常聞稟龍性固與白波便

八駿圖

羅隱

穆滿當年物外程電腰風脚一何輕如今縱有驂騮在
得長鞭不肯行

猿

詠夜猿啼

蕭玲

桂月影才通猿啼迥入風隔巖還嘯侶臨潭白響空掛

疑取飲吟枝似避弓別有三聲淚霑裳竟不窮

放猿

許渾

慙慙解金鎖別雜詠作昨夜雨淒淒山淺憶巫峽水寒思建溪

每尋紅樹宿深向類詩作入白雲啼好去長江路類詩作好覓

好覓南煙蘿更莫類詩作莫自迷雜詠作莫共

巴江夜猿

馬戴

日飲巴江水還啼巴岸邊秋聲巫雨斷夜影楚雲連雪滴
青楓樹山空明月天誰知泊帆者聽此不能眠

懶

有懶吟

劉禹錫

有懶得嘉魚自謂天見憐先祭不敢食捧鱗望青玄人立
寒沙上心專眼悄悄集作短漁翁以為妖舉塊投其咽呼

兒貫魚歸與懶同烹煎關關黃金鴨大翅搖江煙下見盈

尋魚投身孽洪連攫拏隱嶙去哺雛林岳巔鷓鳥欲何際

遙噪莫敢前長居青雲路彈射無由緣何地無江湖何水

無鮪鱸天意不宰割菲祭徒度度空餘知禮重載在淹中

篇

魚

賦得魚躍水花生

張正見

漾色桃花水相望濯錦流躍浦疑珠出依池似鏡浮陵波

衝落藥觸餌避沉鈎方遊蓮葉外初學記入武王舟

賦得蓮下游魚

阮卓

春色映澄波涵詠且相隨未上龍門路聊戲芙蓉池觸浪

蓮香動乘流葉影披相忘自有樂莊惠豈能知

魚

劍影侵波合珠光帶水新蓮東自可戲安用上龍津

放魚

黃金雜錄作贖得免刀痕聞道禽魚亦報雜談恩好去長

江千萬里不須辛苦上龍門

龜

詠龜

有靈堪作初學記夢無心解自謀不能著下伏強從蓮上

浮初學記負圖非所冀支狀空見留儻蒙一曳尾當

回頭精龜

龜

超推江煙

里不照半青士歸門

亦辨辨恩致生

魚

合兼次帶水滌戰東台可

魚

裏香西來為葉濕妙

春西郊登刻

文苑英華卷一百三十一

列傳

